

史
通
削
繁

史官正史二
篇敘述整瞻
子元史筆界
見一斑

史通削繁卷三

外篇

史官

蓋史之建官其來尚矣。昔軒轅氏受命倉頡沮誦實居其職。至於三代其數漸繁。案周官禮記有大史小史內史外史左史右史之各。大史掌國之六典小史掌邦國之志。內史掌書王命外史掌書使乎四方。左史記言右史記事。曲禮曰史載筆大事書之於策小事簡牘而已。大戴禮曰太子既冠成人免於保傅則有司過之史。韓詩外傳云據法守職而不敢爲非者太史令也。斯則史

官之作肇自黃帝備於周室名目既多職務咸異至於
諸侯列國亦各有史官求其位號一同王者至於孔甲
尹逸名重夏殷史佚倚相譽高周楚晉則伯騶司籍魯
則丘明受經此並歷代史臣之可得言者降及戰國史
氏無廢蓋趙鞅晉之一大夫爾猶有直臣書過操簡筆
於門下田文齊之一公子爾每坐對賓客侍史記於屏
風至若秦趙二主渾池交會各命其御史書某年某月
鼓瑟鼓缶此則春秋君舉必書之義也然則官雖無闕
而書尚有遺故史臣等差莫辨其序案呂氏春秋曰夏
太史終古見桀惑亂載其圖法出奔商商太史向摯見

糾迷亂載其圖法出奔周晉太史屠黍見晉之亂亦以
其圖法歸周又春秋晉齊太史書趙崔之弑鄭公孫黑
強與於盟使太史書其名晉韓宣子來聘觀書於太史
氏見易象與魯春秋曰周禮盡在魯矣然則諸史之任
太史其最優乎至秦有天下太史令胡毋敬作博學章
此則自夏迄秦斯職無改者矣漢興之世武帝又置太
史公位在丞相上以司馬談爲之漢法天下計書先上
太史副上丞相敘事如春秋及談卒子遷嗣遷卒宣帝
以其官爲令行太史公文書而已尋自古太史之職雖
以著述爲宗而兼掌厯象日月陰陽管數司馬遷旣歿

後之續史記者。若褚先生。劉向。馮商。揚雄之徒。並以別職來知史務。於是太史之署。非復記言之司。故張衡。單颺。王立。高堂隆等。其當官見稱。唯知占候而已。當王莽代漢。改置柱下五史。秩如御史。聽事侍傍。記跡言行。蓋効古者動則左史書之。此其義也。漢氏中興。明帝以班固爲蘭臺令史。詔撰光武本紀。及諸列傳。載記。又楊子山爲郡上計吏。獻所作哀牢傳。爲帝所異。徵詣蘭臺。斯則蘭臺之職。蓋當時著述之所也。自章和已後。圖籍盛於東觀。凡撰漢記者。相繼在乎其中。而都爲著作。竟無它稱。當魏太和中。始置著作郎。職隸中書。其官卽周之

左史也。晉元康初。又職隸秘書。著作郎一人。謂之大著作。專掌史任。又置佐著作郎八人。宋齊已來。以佐名施於作下。舊事佐郎職知博採。正郎資以草傳。如正佐有失。則秘監職思其憂。其有才堪撰述。學綜文史。雖居他官。或兼領著作。亦有雖爲秘書監。而仍領著作郎者。若中朝之華嶠。陳壽。陸機。束皙。江左之王隱。虞預。干寶。孫盛。宋之徐爰。蘇寶生。梁之沈約。裴子野。斯並史官之尤美。著作之妙選也。而齊梁二代。又置修史學士。陳氏因循無所變革。若劉陟。謝吳。顧野王。許善心之類。是也。至若偏隅僻國。夷狄僞朝。求其史官。亦有可言者。案蜀志。

稱王崇補東觀許蓋掌禮儀。又卻正爲秘書郎。廣求益部書籍。斯則典校無闕。屬辭有所矣。而陳壽評云。蜀不置史官者。得非厚誣諸葛乎。別有曲筆篇。言之詳矣。吳歸命侯時。有左右二國史之職。薛瑩爲其左。華覈爲其右。又周處自左國史遷東觀令。以斯考察。則其班秩可知。僞漢嘉平初。公師彧以太中大夫領左國史。撰其國君臣紀傳。前涼張駿時。劉慶遷儒林郎中常侍。在東苑撰其國書。蜀李與西涼二朝記事委之門下。南涼主烏孤初定霸基。欲造國紀。以其參軍郭韶爲國紀祭酒。使撰錄時事。自餘僞主多置著作官。若前趙之和苞。後燕

之董統是也。元魏初稱制。卽有史臣。雖取他官。不恆厥職。故如崔浩。高閭之徒。唯知著述。而未列名號。其後始於秘書置著作局。正郎二人。佐郎四人。其佐三史者。不過一二而已。普泰以來。三史稍替。別置修史局。其職有六人。當代都之時。史臣每上奉王言。下詢國俗。兼取工於翻譯者。來直史曹。及洛京之末。朝議又以爲國史當專任代人。不宜歸之漢士。於是以谷纂。山偉。更主文籍。凡經二十餘年。其事闕而不載。高齊及周。迄於隋氏。其史官以大臣統領者。謂之監修國史。自領則近循魏代。遠效江南。參雜其間。變通而已。唯周建六官。改著作之

正郎爲上士。佐郎爲下士。名說雖易。而班秩不殊。如魏收之。擅名河朔。柳虬之。獨步關右。王劭。魏澹。展効於開皇之朝。諸葛穎。劉炫。宣功於大業之世。亦各一時也。暨皇家之建國也。乃別置史館。通籍禁門。西京則與鸞渚爲鄰。東都則與鳳池相接。得廁其流者。實一時之美事。至咸亨年。以職司多濫。高宗喟然而稱曰。朕甚惜焉。乃命所司。曲加推擇。如有居其職而闕其才者。皆不得預於修撰。由是史臣拜職。多取外司。著作一曹。殆成虛設。凡有筆削。畢歸於餘館。始自武德。迄乎長壽。其間若李仁實。以直辭見憚。敬播。以敘事推工。許敬宗之矯妄。牛

鳳及之狂惑此其善惡尤著者也。又案晉令著作郎掌起居集注撰錄諸言行勲伐舊載史籍者。元魏置起居令史每行幸讌會則在御左右記錄帝言及賓客酬對後別置修起居注二人多以餘官兼掌。至隋以吏部散官及校書正字閑於述著者修之。納言監領其事。煬帝以爲古有內史外史今既有著作宜立起居遂置起居舍人二員職隸中書省如庾自直崔濬祖虞世南蔡允恭等咸居其職時謂得人皇家因之又加置起居郎二員職與舍人同。每天子臨軒侍立於玉階之下郎居其左舍人居其右。人主有命則逼階延首而聽之退而編

錄以爲起居注。龍朔中改名左史右史。今上卽位仍從國初之號焉。高祖太宗時有令狐德棻、呂才、蕭鈞、褚遂良、上官儀。高宗則天時有李安期、顧胤、高智周、張太素、凌季友。斯並當時得名朝廷所屬者也。夫起居注者編次甲子之書。至於策命章奏封拜薨免莫不隨事記錄。言惟詳審。凡欲撰帝紀者皆稱之以成功。卽今爲載筆之別。曹立言之貳職。故畧述其事。附於斯篇。又案詩邯鄲女之三章。君子取其彤管。夫彤管者女史記事規誨之所執也。古者人君外朝則有國史。內朝則有女史。內之與外其任皆同。故晉獻惑亂驪姬。夜泣牀第之私。

房中之事不得掩焉。楚昭王讌遊。蔡姬對以其願。王顧謂史書之。蔡姬許從孤死矣。夫宴私而有書事之冊。蓋受命者卽女史之流乎。至漢武帝時。有禁中起居注。明德馬皇后撰明帝起居注。凡斯著述。似出宮中。求其職司。未聞位號。隋世王劼上疏。請依古法。復置女史之班。具錄內儀。付於外省。文帝不許。遂不施行。大抵自古史官。其沿革廢置如此。夫仲尼修春秋。公羊高作傳。漢魏之陸賈。魚豢。晉宋之張璠。范曄。雖身非史職。而私撰國書。若斯人者。有異於是。故不復詳而錄之。夫爲史之道。其流有二。何者。書事記言。出自當時之簡。勒成刪定。歸

於後來之筆。然則當時草創者。資乎博聞實錄。若董狐南史是也。後來經始者。貴乎儻識通才。若班固陳壽是也。必論其事業前後不同。然相須而成。其歸一揆。觀夫周秦已往。史官之取人。其詳不可得而聞也。至於漢魏已降。則可得而言。然多竊虛號。有聲無實。而近代趨競之士。尤喜居於史職。昔魏帝有言。舜禹之事。吾知之矣。

倉頡沮誦

說文原敘黃帝之史倉頡見鳥獸蹏迒之迹。初造書勢。後漢書獻帝紀沮誦注風俗

通曰沮姓也。黃帝史官。沮誦之後。衛恆四體書勢科

斗古文勢。序云昔在黃帝。創制造物。有沮誦倉頡者

始作書勢。以代結繩。蓋觀鳥跡以興思也。其字孔甲

勢云黃帝之史沮誦倉頡眺彼鳥跡。始作書勢。孔甲

尹逸

舊唐書歸雲集云孔甲黃帝主書史之臣。執青纂記言動。惟實。又史記云武王立於社南。召公奭

贊采師尚父秦牲尹佚筴祝按逸通佚疑伯鑒司籍

卽史佚今以二人屬夏殷豈別有據邪

見左傳昭趙鞅直臣說苑昔周舍事趙簡子立於門

公十五年趙鞅直臣三日簡子問之舍曰願爲諤諤

之臣墨筆操牘司君之過而書之田文侍史史記孟

日有記月有效歲有得也簡子說田文侍史史記孟

孟嘗君待客坐語屏風後常澠池會史記廉頗列傳

有侍史主記君所與客語澠池會趙王與秦王會

澠池秦王酒酣請趙王鼓瑟秦御史前書曰某年月

日秦王令趙王鼓瑟而相如奉盆缶秦王不懌

爲一擊缶相如召趙御史書曰終古向挾凡國之亡

某年月日秦王爲趙王擊缶終古向挾凡國之亡

也有道者必先去夏太史令終古出其國法執而泣

之夏桀迷惑愈甚乃出奔如商殷內史向挾見紂之

愈亂迷惑也於是載其圖法出亡之周晉太史屠黍

見晉公之驕而無德義也以其圖法歸周高誘解晉

出公之博學章漢書藝文志小學家倉哉七章者秦

太史也博學章丞相李斯所作也爰麻六章者車府

令趙高所作也博學七章者太史令胡毋敬所作武

也文字多取史籀篇而篆體頗異所謂秦篆者也武

帝又置至

行文書而已

並太史公自序如淳注之文

臣瓚非之以爲百官表無太史公有太史令索隱因

之以爲公者遷所著書尊其父云公也而所作實遷

之詞衛宏稱位丞相上謬也正義又非之曰虞喜志

林云古者主天官者皆上公自周至漢其職轉卑然

朝會坐位猶居公上尊天之道兼掌麻象按史記太

也諸說相非不定錄以備考

談爲太史公曰余自上世當顯功名於虞夏典天官

事報任安書文史星麻近乎卜祝之間後漢書百官

志太史令一人六百石本注曰掌天時星麻注漢官

日太史待詔三十七人分治麻龜廬宅日時易筮典

禋雨醫褚先生更記孝武本紀注韋稜曰褚顓家傳

等事

故號爲先生劉向漢書藝文志孝武建藏書之策置

續太史公書劉向寫書之官至成帝時詔光祿大夫

劉向按經傳諸子又劉向傳探取詩書所載賢貞及

孽嬖者序次爲列女傳及採傳記行事諸新序說苑

馮商

漢書藝文志馮商緒太史公七篇章昭曰馮商

受詔

續太史公十餘篇在班彪別錄商字子高

師古曰七畧云商與孟柳揚雄漢書藝文志儒家有

俱待詔頗序列傳未卒揚雄所序三十八篇太元法言

助人君明教化者也揚雄又見正史篇但如志傳所稱皆

云云按揚雄知史務又見正史篇但如志傳所稱皆

不言知史務張衡後漢書張衡傳衡字平子安帝徵

未詳何據張衡後漢書張衡傳衡字平子安帝徵

作渾天儀著單後漢書方術傳單鳳舉孝廉王立

靈憲算罔論單鳳後漢書方術傳單鳳舉孝廉王立

未高堂隆魏志高堂隆傳隆字升平魯高堂生後也

詳高堂隆明帝即位為給事中遷侍中領太史合注

魏畧曰太史推步為太和厯帝以隆學問優深天文

揚雄

所序

三十八

篇太元

法言

張衡

後漢書

張衡傳

衡字平子

安帝徵

單鳳

漢書

藝文志

儒家有

揚雄

所序

三十八

篇太元

法言

張衡

後漢書

張衡傳

衡字平子

安帝徵

單鳳

後漢書

單鳳傳

鳳字平子

安帝徵

單鳳

後漢書

單鳳傳

單鳳

漢書

藝文志

儒家有

揚雄

所序

三十八

篇太元

法言

張衡

後漢書

張衡傳

衡字平子

安帝徵

單鳳

後漢書

單鳳傳

鳳字平子

安帝徵

單鳳

後漢書

單鳳傳

單鳳

佚文篇子山為上計吏見三府作哀牢傳不成歸郡
作上孝明奇之徵在蘭臺後漢書地理志哀牢永平
中置故牢王國按秘書著作晉書職官志著作郎周
今為雲南永昌府秘書著作左史之任也漢東京國
籍在東觀故使名儒著作東觀尚未名官魏明帝太
和中始有其官及晉惠帝元康二年詔曰著作舊屬
中書而秘書既典文籍今以中書著作為秘書著作
於是改隸秘書省其大與佐一人八人悉同本文
佐名施於作下原注改佐著作郎東晉書東晉傳晉
後也王莽末去疎之正改姓焉少遊國學張華召晉
為掾轉著作郎撰晉書帝紀十志選博士著作如
故蘇寶生正史篇孝建初勅南臺侍御史蘇寶山續
云按寶生為作寶山正史劉陟隋書經籍志齊紀十
篇舊本如此今刊正有注劉陟隋書經籍志齊紀十
藝文志作齊書八卷唐謝吳隋書經籍志梁書四
書藝文志作十三卷謝吳隋書經籍志梁書四
本一百卷唐書藝文志作十三卷謝吳隋書經籍志梁書四
文志作三十四卷顧野王陳書顧野王傳野王字

除太子率更令尋領大著作掌國史知梁史事與許
通史畧要一百卷國史紀傳二百卷未就而卒許

善心陳書文學傳許字善心字道領大著作子善心早

文郎中補撰史學士善心述成父志修續家書其序

傳末述著作之意曰自人京邑隨見補葺畧成七十

卷凡稱史臣者皆先君所言王崇許蓋按陳壽蜀志

下稱名案者皆善心補闕王崇許蓋及裴注皆無

考劉氏云志稱何邪或謂壽又撰蜀古志儻載之然

言古則不及三國時人明矣惟常璩華陽國志有述

作王崇名見卷末官為蜀守而不言會補卻正為秘

東觀至掌儀許蓋亦無其人也存以俟考

書蜀志卻正傳正字合先弱冠能屬文人為秘書吏

正數從蜀不置史官蜀志後主傳誣國不置史注記

光諱訪蜀不置史官無官是以行事多遺災異靡書

諸葛亮雖達於為政歸命侯與志後主皓降晉薛

此之類猶有未周焉

左華右吳志薛綜傳綜字瑩字道言為秘書郎

孫皓初領少傅以事徙廣州右國史華嚴疏

留之皓召贊還為左國史又華嚴傳數字永周處左

先武進人孫皓即位後入東觀今領右國史

史晉書周處傳處仕嘉平劉聰公師或見晉書載記

止書太中大夫無領劉慶按晉書張軌傳軌孫駿時

左史撰記傳之文劉慶載有從事劉慶諫討辛晏

語不及東苑撰史事叢書崔鴻錄畧有云命西曹

掾集閣內外事付索綏著涼春秋亦不及劉慶也蜀

李西涼撰漢書十卷後入晉秘閣改為蜀李書故此

云蜀李也晉書載記蜀李雄興學校置史官錄畧西

涼李嵩起靜恭堂以議朝政立津宮增高門學士劉

云二朝記事委之南涼郭韶晉書載記南涼傳充髮

門下當在其時也南涼郭韶烏孤稱武威王梁昶韓

正張昶郭韶中州之才令官力授才咸得其所按舊

本作郎韶疑郎郭韶也但本傳與叢書錄畧皆不載

國紀祭和苞晉書載記劉曜傳苞與喬豫諫晉壽陵

酒官和苞曜悅封為平興子陷書經籍志漢道記

十卷和董統晉書載記後燕傳元魏史臣魏書官氏

苞撰董統及錄畧皆無其人元魏史臣志天興四

年罷外郎臺御史總局內省其太和崔浩高閭

中百官著令秘書監在從第二品中崔浩高閭

書篇魏書高閭傳問字尉士早孤文才備偉本名驢

司徒崔浩見而奇之乃改爲閭而字之徵拜中書侍

郎領東徐州刺史以功進爵爲侯加昭武將軍爲中

書令委以機密軍國書檄詔令高允之流稱爲二高

普泰前廢帝元或谷纂魏書谷纂傳軍昌黎人曾孫

作郎又監國史不能有所緝綴郭注以纂儒易谷纂

儒字樹顯其先代人散騎常侍驃騎大將軍與山偉

合山偉魏書山偉傳偉字仲才其先代人領著作初

傳山偉余朱兆之入洛官守奔散國史典書高法顯

密理史書故不遺落偉自以士下士周太祖父志

爲功訴求爵賞遂封東阿伯上士下士周太祖父志

粗定改創章程遠帥周之建職其所制班序內名諡

命上士三命下士一命注內命謂王朝之臣名諡

雖易作諡當柳虬周書柳虬傳虬字仲蟠不事容飾馮

因使見太祖被留虬上疏言古者立史官非但書事

固致受金之名陳壽有求來之論伏請諸記事者當
朝顯言其狀然後付之史閣庶合是非明著得失無
隱事遂施行秘書郎領著作不參史事自虬為丞始
令兼魏澹見本紀篇諸葛穎隋書文學傳穎字漢建
掌焉魏澹魏著作注諸葛穎康人煬帝即位遷著作
郎帝嘗贈穎詩曰實錄資不允傳芳導後昆其見待
遇如此撰纂駕北巡幸江都道里洛陽古今等記
劉炫見國史又與諸儒林傳炫與著作郎王劭同
考定羣言肉史令李德林甚禮之炫嘗曰省史館通
官不如省事省事不如省心牛宏甚善其言
籍禁門辨職篇鸞澤鳳池即謂鸞臺鳳閣舊唐書
為東臺中書省為西臺太后光宅元年改門下為鸞
臺中書省為鳳閣神龍初復舊名兩省之名起魏晉間
門下則黃門給諫遺補等官屬之杜詩晚出左掖即
此中書則主書通事舍人等官屬之開元中又號紫
微省兩省並近禁門故亦通謂之北省南則尚書省
也又按文兼兩京言武后臨朝在東京也程大昌雍

錄多高宗重史職原注詔曰修撰國史義存典

難堪斯任如問近日以來但居此職即知修撰非唯

編緝訛舛亦恐洩漏史事自今宜遣史司精簡堪修

史人灼然為眾所推者錄名進內自餘雖居史職

不得輒問見所修史籍及未行用國史等之事

仁實舊唐書李延壽李仁實前後修撰國史為當時所稱

仁實頓邱人官左史正史篇仁實續撰于志敬播唐

寧許敬宗李義府等傳載言記事見推直筆敬播唐

儒學傳敬播蒲州人貞觀初進士時顏師古孔穎達

撰次隋史詔播詣秘書內省參纂再遷著作佐郎兼

修國史又與合狐德棻等撰晉書大抵凡許敬宗唐

例皆播所發也房元齡嘗稱播陳壽之流許敬宗唐

書許敬宗傳敬宗善心子貞觀中除著作郎兼修國

史龍朔中拜太子少傅自掌知國史記事阿曲虛美

隱惡高祖太宗兩朝實錄其敬播所修者多牛鳳及

詳直敬宗以已愛憎曲事刪改論者尤之牛鳳及

新舊唐書俱無專傳王訓故牛鳳及長壽中撰唐書

自武德終宏道為百有十卷按此書唐藝文志不錄

庾自直

隋書文學傳庾自直大業初授著作郎性

濬祖

唐書姚思廉傳附隋煬帝時詔與虞世南唐書

南傳

世南字伯起餘姚人隋大業中蔡允恭

累官

秘書郎煬帝疾其峭直弗甚用蔡允恭

允恭

仕恩起居舍人煬帝遣教官人允恭恥之數稱

疾授

內史舍人俾入官固辭授隋書虞綽傳云綽與

虞世

南庾自直蔡允恭等常郎左舍人右志唐之官

居禁

中文翰待詔恩盼隆洽郎左舍人右志唐之官

制大

抵皆沿隋故門下省之屬起居郎二人從六品

上掌

錄天子起居法度後復置起居舍人二人從六

品上

掌錄如記事之制天子居正殿則郎居左舍人

居右

有命俯階以聽退而書之若仗在紫宸內閣則

夾香

案分立殿下直第二螭首令狐德棻唐書令狐

和墨

濡爭皆即切處時號螭頭令狐德棻唐書令狐

棻博

覽文史武德初為起居舍人遷秘書丞建言近

代無

正史梁齊陳周隋事修撰之原自德棻發之

呂才

唐書呂才傳貞觀時祖孝孫增損樂律王世魏

徵盛稱才製尺譜契印召直宏文館帝病陰陽

家書多僞惡世益拘畏命才刪落煩訛掇可用
者才於持論儒而不理以本傳闕書起居官
唐書蕭瑀傳瑀從子鈞水徽中累遷諫議大夫宏文
館學士左武侯屬盧文操盜庫財高宗以常自盜罪
死鈞曰恐天下謂陛下重貨輕法任喜褚遂良
怒帝曰真諫議也按亦闕書起居官褚遂良
良傳遂良字登善貞觀中累遷起居郎工部
卿記起居人君得觀之否對曰今之起居古左右史
也善惡必記戒人主不爲非法未聞天子白觀史也
帝曰朕有不善卿必記邪對曰臣職載筆君舉必書
劉洎曰使遂良不記上官儀唐書上官儀傳儀字游
天下之人亦記之矣上官儀唐書上官儀傳儀字游
進士第授宏文館直學士遷秘書郎太宗每屬文遣
儀視藁轉起居郎高宗時武后得志深惡儀許敬宗
構儀大逆死自褚遂良等元老屠覆獨李安期唐書
儀納忠自是政歸於后而帝拱手矣李安期唐書
藥傳百藥七歲能屬文子安期亦七歲屬文父貶桂
州遇盜將加刃安期泣請代盜釋之貞觀初爲符璽
郎高宗卽位遷中書舍人尋同東西顧胤唐書令狐
臺三品自德林至安期三世掌制誥顧胤唐書令狐

脣吳人父覽隋秘書學士脣永徽中起居郎兼修國
史以撰太宗實祿勞加朝散大夫宏文館學士論次
國史終高智周唐書高智周傳智周晉陵人第進士
司文郎高智周擢秘書郎宏文館直學士三遷蘭臺
大夫儀鳳初進同中書門下三品是時崔知張太素
温等修國史智周監蒞致仕卒年八十二
見言凌季友唐書皆稱之以成功柳字恐是籍字
語篇凌季友無傳皆稱之以成功之譌王本作因彤
管毛傳古者后夫人必有女史彤外傳晉
管之法鄭箋彤管筆赤管也驪姬夜泣
教驪姬夜半而泣謂公曰君盍殺我無以一妾亂百
姓又曰君盍老而授之政彼得所索乃可釋君公曰
不可我蔡姬許從劉向列女傳楚昭王燕遊蔡姬在
將國之蔡姬許從左越姬參石乃願二姬曰樂乎願
與子生若此死若此蔡姬曰婢子之身乃比于見嬪
固願生同樂死同時王願謂史書之蔡姬許從孤死
矣魏志文帝紀注魏春秋曰帝升壇禮
魏帝有三畢顧謂羣臣曰舜禹之事吾知之矣

正史

伏犧神農黃帝之書。謂之三墳。言大道也。少昊顓頊高辛唐虞之書。謂之五典。言常道也。春秋傳載楚左史能讀三墳五典。禮記曰。外史掌三皇五帝之書。由斯而言。則墳典文義。三五史策。至於春秋之時。猶大行於世。爰及後古。其書不傳。惟唐虞已降。可得言者。然自堯而往。聖賢猶述求其一二。髣髴存焉。而後來諸子。廣造奇說。其語不經。其書非聖。故馬遷有言。神農已前。吾不知矣。班固亦曰。顓頊之事。未可明也。斯則墳典所記。無得而稱者焉。案堯舜相承。已見墳典。周監二代。各有書籍。至

伏生名勝漢
史不載始見
於晉書伏滔
傳注家據此
爲說也

孔子討論其義。刪爲尙書。始自唐堯。下終秦穆。其言百篇。而各爲之序。屬秦爲不道。坑儒禁學。孔子之末孫曰惠。壁藏其書。漢室龍興。芻求儒雅。聞故秦博士伏勝能傳其業。詔太常使掌故晁錯受焉。時伏生年且百歲。言不可曉。口授其書。纔二十九篇。自是傳其學者。有歐陽氏。大小夏侯。宣帝時。復有河內女子。得泰誓一篇。獻之與伏生所誦。合三十篇。行之於世。其篇所載年月。不與序相符合。又與左傳國語。孟子所引泰誓不同。故漢魏諸儒咸疑其繆。古文尙書者。卽孔惠之所藏。科斗之文字也。魯共王壞孔子舊宅。始得之於壁中。博士孔安國

以校伏生所誦。增多二十五篇。更以隸古字寫之。編爲四十六卷。司馬遷屢訪其事故。多有古說。安國又受詔爲之訓傳。值武帝末。巫蠱事起。經籍道息。不獲奏上。藏諸私家。劉向取校歐陽大小夏侯三家經文。脫誤甚衆。至於後漢。孔氏之本遂絕。其有見於經典者。諸儒皆謂之逸書。王肅亦注今文尙書。而大與古文孔傳相類。或肅私見其本而獨秘之乎。晉元帝時。豫章內史梅賾始以孔傳奏上。而缺舜典一篇。乃取肅之堯典。從慎徽以下。分爲舜典以續之。自是歐陽大小夏侯家等學。馬融鄭元王肅諸注廢。而古文孔傳獨行列於學官。永爲世

範。齊建武中。吳興人姚方興。采馬王之義。以造孔傳舜
典。云於大航購得。詣闕以獻。舉朝集議。咸以爲非。及江
陵板蕩。其文入北。中原學者得而異之。隋學士劉炫。遂
取此一篇。列諸本第。故今人所習。尙書舜典。元出於姚
氏者焉。當周室微弱。諸侯力爭。孔子應聘。不遇。自衛而
歸。乃與魯君子左丘明。觀書於太史氏。因魯史記而作
春秋。上遵周公遺制。下明將來之法。自隱及哀。十二公
行事。經成。以授弟子。弟子退而異言。丘明恐失其真。故
論本事而爲傳。明夫子不以空言說經也。春秋所貶。當
世君臣。其事實皆形於傳。故隱其書而不宣。所以免時。

難也。及末世口說流行。故有公羊穀梁鄒夾之傳。鄒氏無師。夾氏有錄無書。故不顯於世。漢興。董仲舒公孫宏並治公羊。其傳習者有嚴顏二家之學。宣帝卽位。聞衛太子私好穀梁。乃召名儒蔡千秋蕭望之等。大議殿中。因置博士。平帝初立左氏。逮於後漢。儒者數廷毀之。會博士李封卒。遂不復補。逮和帝元興十一年。鄭興父子奏請重立於學官。至魏晉其書漸行。而二傳亦廢。今所用左氏本。卽杜預所注者。又當春秋之世。諸侯國自有史。故孔子求衆家史記。而得百二十國書。如楚之書。鄭之志。魯之春秋。魏之紀年。此其可得言者。左丘明旣配。

經立傳。又撰諸異同。號曰外傳國語二十一篇。斯蓋採
書志等文。非唯魯之史記而已。楚漢之際。有好事者。錄
自古帝王公侯卿大夫之世。終乎秦末。號曰世本十五
篇。春秋之後。七雄並爭。秦并諸侯。則有戰國策三十三
篇。漢興。太中大夫陸賈紀錄時功。作楚漢春秋九篇。孝
武之世。太史公。司馬談。欲錯綜古今。勒成一史。其意未
就而卒。子遷乃述父遺志。採左傳國語。刪世本戰國策。
據楚漢列國時事。上自黃帝。下訖麟止。作十二本紀。十
表。八書。三十世家。七十列傳。凡百三十篇。都謂之史記。
厥協六經異傳。整齊百家雜言。藏諸名山。副在京師。以

侯後聖君子至宣帝時遷外孫楊惲祖述其書遂宣布焉而十篇未成有錄而已元成之間褚先生更補其缺作武帝紀三王世家韞策曰者等傳辭多鄙陋非遷本意也晉散騎常侍巴西譙周以遷書周秦已上或采家人諸子不專據正經於是作古史考二十五篇皆憑舊典以紕其繆今則與史記並行於代焉史記所書年止漢武太初己後闕而不錄其後劉向向子歆及諸好事者若馮商衛衡揚雄史岑梁審肆仁晉馮段肅金丹馮衍韋融蕭奮劉恂等相次撰續迄於哀平間猶名史記至建武中司徒掾班彪以爲其言鄙俗不足以踵前史

又雄歆襲美僞新。誤後惑衆。不當垂之後代者也。於是採其舊事。芟貫異聞。作後傳六十五篇。其子固。以父所撰未盡一家。乃起元高皇。終乎王莽。十有二世。二百三十年。綜其行事。上下通洽。爲漢書紀表志傳百篇。其事未畢。會有上書云。固私改作史記者。有詔京兆收繫。悉錄家書封上。固弟超詣闕自陳。明帝引見。言固續父所作。不敢改易舊書。帝意乃解。卽出固徵詣校書。受詔卒業。經二十餘載。至章帝建初中。乃成。固後坐竇氏事。卒於洛陽獄。書頗散亂。莫能綜理。其妹曹大家。博學能屬文。奉詔校敘。又選高才郎馬融等十人。從大家受讀。其

八表及天文志等猶未克成。多是待詔東觀馬續所作。而古今人表尤不類本書。始自漢末迄乎陳世爲其注解者凡二十五家。至於專門受業遂與五經相亞。初漢獻帝以圖書文煩難省乃詔侍中荀悅依左氏傳體刪爲漢紀三十篇。命秘書給紙筆。經五六年乃就。其言簡要亦與紀傳並行。在漢中興明帝始詔班固與睢陽令陳宗長陵令尹敏司隸從事孟異作世祖本紀并撰功臣及新市平林公孫述事。作列傳載記二十八篇。自是以來春秋考紀亦以煥炳而忠臣義士莫之撰勒。於是又詔史官謁者僕射劉珍及諫議大夫李尤雜作紀表。

名臣節士儒林外戚諸傳起自建武。訖乎永初。事業垂
竟。而珍尤繼卒。復命侍中。伏無忌。與諫議大夫黃景作
諸王王子功臣恩澤侯表。南單于西羌傳。地理志。至元
嘉元年。復令太中大夫邊韶。大軍營司馬崔實。議郎朱
穆。曹壽。雜作孝穆崇二皇。及順烈皇后傳。又增外戚傳。
入安思等。后儒林傳。入崔篆諸人。實壽又與議郎延篤。
雜作百官表。順帝功臣孫程郭願及鄭眾蔡倫等傳。凡
百十有四篇。號曰漢記。熹平中。光祿大夫馬日磾。議郎
蔡邕。楊彪。盧植。著作東觀。接續紀傳之可成者。而邕別
作朝會車服二志。後坐事徙朔方。上書求還。續成十志。

會董卓作亂。大駕西遷。史臣廢棄舊文。散佚及在許都。楊彪頗好注記。至於名賢君子。自永初已下。關續。魏黃初中。唯著先賢表。故漢記殘缺。至晉無成。泰始中。秘書丞司馬彪始討論眾書。綴其所聞。起元光武。終於孝獻。錄世十二編。年二百。通綜上下。旁引庶事。爲紀志傳。凡八十篇。號曰續漢書。又散騎常侍華嶠。刪定東觀記。爲漢後書。帝紀十二。皇后紀二。典十。列傳七十。譜三。總九十七篇。其十典竟不成。而卒自斯已往。作者相繼。爲編年者四族。創紀傳者五家。推其所長。華氏居最。而遭晉室東徙。三惟一存。至宋宣城太守范曄。乃廣集學徒。窮

覽舊籍。刪煩補畧。作後漢書。凡十紀。十志。八十列傳。合爲百篇。會曄以罪被收。其十志亦未成而死。先是晉東陽太守袁宏。抄撮漢氏後書。依荀悅體。著後漢紀三十篇。世言漢中興史者。唯范曄一家而已。魏史黃初太和中。始命尙書衛覬。繆襲。草創紀傳。累載不成。又命侍中韋誕。應璩。秘書監王沈。大將軍從事中郎阮籍。司徒右長史孫資。司隸校尉傅元等。復共撰定。其後王沈獨就其業。勒成魏書四十四卷。其書多爲時諱。殊非實錄。吳大帝之季年。始命太史令丁孚。郎中項峻。撰吳書。孚。峻俱非史才。其文不足紀錄。至少帝時。更勅韋曜。周昭。薛

瑩梁廣華駁訪求往事。相與記述。並作之中。曜瑩爲首。當歸命侯時。昭廣先亡。曜瑩徙黜。史官久闕。書遂無冊。駁表請召曜瑩續成前史。其後曜獨終其書。定爲五十卷。至晉受命。海內大同。著作陳壽乃集三國史。撰爲國志。凡六十五篇。夏侯湛時亦著魏書。見壽所作。便壞已草而罷。及壽卒。梁州大中正范曄表言。國志明乎得失。辭多勸誡。有益風化。願垂採錄。於是詔下河南尹。就家寫其書。先是魏時京兆魚豢私撰魏畧。事止明帝。其後孫盛撰魏氏春秋。王隱撰蜀記。張勃撰吳錄。異聞錯出。其流最多。宋文帝以國志載事。傷於簡畧。乃命中書

郎裴松之兼採衆書補注其闕。由是世言三國志者以裴注爲本焉。晉史洛京時著作郎陸機始撰三祖紀。佐著作郎束皙又撰十志。會中朝喪亂。其書不存。先是歷陽令陳郡王銓有著述才。每私錄晉事及功臣行狀。未就而卒。子隱博學多聞。受父遺業。西都事跡多所詳究。過江爲著作郎。受詔撰晉史。爲其同僚虞預所訴。坐事免官。家貧無資。書未遂就。乃依征西將軍庾亮於武昌。亮給其紙筆。由是獲成。凡爲晉書八十九卷。咸康六年始詣闕奏上。隱雖好述作。而辭拙才鈍。其書編次有序者。皆銓所修。章句混漫者。必隱所作。時尙書郎領國

史于寶亦撰晉紀。自宣迄愍。七帝五十二年。凡二十二卷。其書簡畧。直而能婉。甚爲當時所稱。晉江左史。自鄧粲孫盛檀道鸞王韶之已下。相次繼作。遠則偏記兩帝。近則唯敘八朝。至宋湘東太守何法盛始撰晉中興書。勒成一家。首尾該備。齊隱士東莞臧榮緒又集東西二史。合成一書。皇家貞觀中有詔。以前後晉史十有八家。制作雖多。未能盡善。乃勅史官更加纂錄。採正典與雜說數十餘部。兼引僞史十六國書。爲紀十志二十列傳七十。載記三十。并敘例目錄。合爲百三十二卷。自是言晉史者。皆棄其舊本。競從新撰者焉。宋史元嘉中著作

耶何承天。草創紀傳。自此以外。悉委奉朝請山謙之補承天殘缺。後又命裴松之續成國史。松之尋卒。史佐孫冲之。表求別自創立。爲一家之言。孝建初。又勅南臺侍御史蘇寶生續造諸傳。元嘉名臣皆其所撰。寶生被誅。大明六年。又命著作郎徐爰踵成前作。爰因何遜山蘇所述。勒爲一書。其藏質魯爽王僧達諸傳。又皆孝武自造。而序事多虛。難以取信。自永光已後。至禪讓。十餘年中。闕而不載。至齊著作郎沈約更補綴所遺。製成新史。始自義熙肇號。終乎昇明三年。爲紀十志三十列傳六十。合百卷。名曰宋書。永明末。其書旣行。河東裴子野更

刪爲宋畧二十卷。沈約見而歎曰：吾所不逮也。由是世之言宋史者，以裴畧爲上，沈書次之。齊史江淹始受詔著述，以爲史之所難，無出於志。故先著十志以見其才。沈約復著齊紀二十篇。梁天監中，太尉錄事蕭子顯啓撰齊史，書成表奏之。詔付秘閣。起昇明之年，盡永元之代，爲紀八志十一列傳四十，合成五十九篇。時奉朝請吳均亦表請撰齊史，乞給起居注并羣臣行狀，有詔齊氏故事布在流俗，聞見旣多，可自搜訪也。均遂撰齊春秋三十篇。其書稱梁帝爲齊明佐命，帝惡其實，詔燔之。然其私本竟能與蕭氏所撰並傳於後。梁史武帝時沈

約與給事中周興嗣步兵校尉鮑行卿秘書監謝吳相
承撰錄已有百篇。值承聖淪沒。並從焚蕩。廬江何之元。
沛國劉璠。以所聞見。究其始末。合撰梁典三十篇。而紀
傳之書。未有其作。陳祠部郎中姚察。有志撰勒。施功未
周。但旣當朝務。兼知國史。至於陳亡。其書不就。陳史初
有吳郡顧野王。北地傅縡。各爲撰史學士。其武文二帝
紀。卽顧傅所修。太建初中。書郎陸瓊續撰諸篇。事傷煩
雜。姚察就加刪改。粗有條貫。及江東不守。持以入關。隋
文帝嘗索梁陳事跡。察具以所成。每篇續奏。而依違在
苒。竟未絕筆。皇家貞觀初。其子思廉爲著作郎。奉詔撰

成二史於是憑其舊藁加以新錄彌歷九載方始畢功
定爲梁書五十卷陳書三十六卷今並行世焉十六國
史前趙劉聰時領左國史公師或撰高祖本紀及功臣
傳二十人甚得良史之體凌修譜其訕謗先帝聰怒而
誅之劉曜時平與子和苞撰漢趙記十篇事止當年不
終曜滅後趙石勒命其臣徐光宗厯傳暢鄭愔等撰上
黨國記起居注趙書其後又令王蘭陳宴程陰徐機等
相次撰述至石虎並令刊削使勒功業不傳其後燕太
傅長史田融宋尙書庫部郎郭仲產北中郎參軍王度
追撰二石事集爲鄴都記趙記等書前燕有起居注杜

輔全錄以爲燕紀。後燕建興元年。董統受詔草創後書。著本紀并佐命功臣王公列傳合三十卷。慕容垂稱其敘事富贍。足成一家之書。但褒述過美。有慙董史之直。其後申秀、范亨各取前後二燕。合成一史。南燕有趙郡王景暉。嘗事德超。撰二主起居注。超亡。仕於馮氏。官至中書令。仍撰南燕錄六卷。蜀初號曰成。後改稱漢。李勢散騎常侍常璩撰漢書十卷。後人晉秘閣。改爲蜀李書。璩又撰華陽國志。具載李氏興滅。前涼張駿十五年。命其西曹邊濶集內外事。以付秀才索綬。作涼國春秋五十卷。又張重華護軍參軍劉慶在東莞。專修國史二十

餘年著涼記十二卷。建康太守索暉從事中郎劉昉又各著涼書。前秦史官初有趙淵車敬梁熙韋譚相繼著述。符堅嘗取而觀之。見苻太后幸李威事。怒而焚滅其本。後著作郎董誥追錄舊語。十不一存。及宋武帝入關。會訪秦國事。又命梁州刺史吉翰問諸仇池。並無所獲。先是秦秘書郎趙整參撰國史。值秦滅。隱於商洛山。著書不輟。有馮翊車頻助其經費。整卒。翰乃啓頻纂成其書。以元嘉九年起。至二十八年方罷。定爲三卷。而年月失次。首尾不倫。河東裴景仁又正其訛。僻刪爲秦紀十篇。後秦扶風馬僧虔。河東衛隆景並著秦史。及姚氏

之滅殘缺者多。泓從弟和都仕魏爲左民尙書。又追撰秦紀十卷。夏天水趙思羣北地張淵於真興承光之世並受命著其國書。及統萬之亡多見焚燒。西涼與西秦其史或當代所書。或他邦所錄。段龜龍記呂氏宗欽記沮渠氏。佚名記禿髮氏。韓顯宗記馮氏。唯有三者可知其餘不詳。誰作。魏世黃門侍郎崔鴻乃考覈衆家辨其同異。除煩補闕。錯綜綱紀。易其國書曰錄。主紀曰傳。都謂之十六國春秋。鴻始以景明之初求諸國逸史。逮正始元年。鳩集稽備。而猶闕蜀事。不果成書。推求十有五年。始於江東購獲。乃增其篇目。勒爲一百二卷。鴻沒後。

永安中其子繕寫奏上請藏諸秘閣由是僞史宣布大
行於時元魏史道武時始令鄧淵著國記唯有十卷而
條例未成暨乎明元廢而不述神鼎二年又詔集諸文
士崔浩浩弟覽高謙鄧穎晁繼范亨黃輔等撰國書爲
三十卷又特命浩總監史任務從實錄復以中書郎高
允散騎侍郎張偉並參著作續成前史書敘述國事無
隱所惡而刊石寫之以示行路浩坐此夷三族同作死
者百二十八人自是遂廢史官至文成帝和平元年始
復其職而以高允典著作修國記允年已九十手目俱
衰時有校書郎劉模長於緝綴乃令執筆而口占授之

如是者五六歲所成篇卷模有力焉。初國記自鄧崔以下皆相承作編年體。至孝文太和十一年詔秘書丞李彪著作郎崔光始分爲紀傳異科。宣武時命邢巒追撰孝文起居注。既而崔光王遵業補續。下詔孝明之世溫子昇復修孝莊紀。濟陰王暉業撰辨宗室錄。魏史官私所撰盡於斯矣。齊天保二年勅秘書監魏收博採舊聞勒成一史。又命刁柔辛元植房延祐陸仲讓裴昂之高孝幹等助其編次。收所取史官懼相凌忽故刁辛諸子並乏史才。唯以髣髴學流憑附得進。於是大徵百家譜狀斟酌以成魏書。上自道武下終孝靖紀傳與志凡百

三十卷收詔齊氏於魏室多不平。既黨北朝。又厚誣江左。性憎勝己。喜念舊惡。甲門盛德。與之有怨者。莫不被以醜言。沒其善事。遷怒所至。殷及高曾。書成始奏。詔收於尚書省。與諸家討論。前後列訴者百有餘人。時尚書令楊遵彥。一代貴臣。勢傾朝野。收撰其家傳甚美。是以深被黨援。諸訟史者。皆獲重罰。或有斃於獄中。羣怨謗聲不息。孝昭世勅收。更加研審。然後宣布於外。武成嘗訪諸羣臣。猶云不實。又令治改其所變易。甚多。由是世薄其書。號爲穢史。至隋開皇。勅著作郎魏澹與顏之推。辛德源更撰魏書。矯正收失。澹以西魏爲真。東魏爲僞。

故文恭列紀孝靖稱傳合紀傳論例總九十二篇。煬帝以澹書猶未能善。又勅左僕射楊素別撰學士潘徽褚亮歐陽詢等佐之。會素薨而止。今世稱魏史者。猶以收本爲主焉。高齊史。天統初。太常少卿祖孝徵述。獻武起居名曰黃初傳天錄。時中書侍郎陸元規常從。文宣征討著皇帝實錄。唯記行師。不載它事。自武平後。史官陽休之杜臺卿祖崇儒崔子發等相繼注記。逮於齊滅。隋秘書監王劭內史令李德林並少仕鄴中。多識故事。王乃憑述起居注。廣以異聞。造編年書。號曰齊志。十有六卷。李在齊預修國史。創紀傳書二十七卷。至開皇初。奉

詔續撰增多齊史三十八篇。以上送官藏之。秘府皇家
貞觀初。勅其子中書舍人百藥。仍其舊錄。雜採它書。演
爲五十卷。今之言齊史者。唯王李二家云。宇文周史大
統年有秘書丞柳虬。兼領著作。直辭正色。事有可稱。至
隋開皇中。秘書監牛宏。追撰周紀十有八篇。畧敘紀綱。
仍皆抵忤。皇家貞觀初。勅秘書丞令狐德棻。秘書郎岑
文本。共加修緝。定爲周書五十卷。隋史當開皇仁壽時。
王劭爲書八十卷。以類相從。定其篇目。至於編年紀傳。
並闕其體。煬帝世。唯有王胄等所修大業起居注。及江
都之禍。仍多散逸。皇家貞觀初。勅中書侍郎顏師古。給

事具以上四
字當是子註

事中孔穎達共撰成隋書五十五卷。與新撰周書並行。於時初太宗以梁陳及齊周隋氏並未有書。乃命學士分修事具於上。仍使秘書監魏徵總知其務。凡有讚論徵多預焉。始以貞觀三年創造。至十八年方就。合爲五代紀傳并目錄凡二百五十二卷。書成下於史閣。唯有十志斷爲三十卷。尋擬續奏。未有其文。又詔左僕射于志寧。太史令李淳風。著作郎韋安仁。符璽郎李延壽同撰。其先撰史人唯令狐德棻重預其事。太宗崩後刊勒始成。其篇第編入隋書。其實別行。俗呼爲五代史志。惟大唐之受命也。義寧武德間工部尚書溫大雅首撰創。

業起居注三篇。自是司空房元齡給事中許敬宗著作佐郎敬播相次立編年體。號爲實錄。迄乎三帝。世有其書。貞觀初。姚思廉始撰紀傳。粗成三十卷。至顯慶元年。太尉長孫無忌與于志寧令狐德棻著作郎劉肅之楊仁卿起居郎顧胤等因其舊作。綴以後事。復爲五十卷。雖云繁雜。時有可觀。龍朔中。敬宗又以太子少師總統史任。更增前作。混成百卷。如高宗本紀及永徽名臣四夷等傳。多其所造。又起草十志。未半而終。敬宗所作紀傳。或曲希時旨。或猥飾私憾。凡有毀譽。多非實錄。必方諸魏伯起。亦猶張衡之蔡邕焉。其後左史李仁實續

撰于志寧許敬宗李義府等傳載言記事見推直維惜其短歲功業未終至長壽中春官侍郎牛鳳及又斷自武德終於宏道撰爲唐書百有十卷鳳及以暗聾不才而輒議一代大典凡所撰錄皆素責私家行狀而世人敘事罕能自遠或言皆比興全類詠歌或語多鄙樸實同文案而總入編次了無釐革其有出自胸臆申其機杼發言則嗤鄙怪誕敘事則參差倒錯故闕其篇第豈謂可觀披其章句不識所以旣而悉收姚許諸本欲使其書獨行由是皇家舊事殘缺殆盡長安中余與正諫大夫朱敬則司封郎中徐堅左拾遺吳兢奉詔更撰唐

書勒成八十卷神龍元年又與堅兢等重修則天實錄
編爲三十卷夫舊史之壞其亂如繩錯綜艱難葢月方
畢雖言無可擇事多遺恨庶將來削藁猶有憑焉大抵
自古史臣撰錄其梗概如此蓋屬詞比事以月繫年爲
史氏之根本作生人之耳目者畧盡於斯矣白餘偏記
小說則不暇具而論之

神農已前史記貨殖傳老子曰至治之極民各甘其
食美其服安其俗至老死不相往來太史
公曰神農以顓頊之事漢書司馬遷傳贊曰唐虞以
前雖有遺文其語不經故言
黃帝顓頊之百篇之序書經傳說班固曰孔子纂書
事未可明也
孔疏此序知孔子作者以緯文而知也檢此百篇凡
有六十三序明居咸有一德上政無逸不序所由同

序而別篇者三十三篇通明居等四孔惠壁藏漢書

篇為三十七篇加六十三即百篇也志注師古曰家語云孔

子木孫惠藏之史通同隋志隸古字寫定同若隸按

隸古定是一行科斗書一行真書孔穎達所謂就古

今之伏生歐陽夏侯漢書儒林傳伏生及歐陽生歐

陽生授兒寬寬授歐陽生子世傳至曾孫高高孫地

餘山是有歐陽氏學夏侯勝其先夏侯都尉從子建

又事歐陽高由是有大小夏侯之學注伏生名勝

河內女子子得秦晉一篇賦之漢魏諸儒融注謂馬

肅馬遷屢訪得之安國為諫大夫司馬遷從安國問

義故遷載堯典禹貢洪範諸儒謂之逸書融注謂馬

微子金縢諸篇多古文說

預王肅家見六梅蹟見鑒劉炫按炫字光伯除大學

也誤隋書劉炫傳白為狀云禮詩尚書公羊左傳孔鄭

王何等注雖義有精粗並堪講授著有尚書等經術

議百王明恐失真史記十二諸侯年表孔子西觀周

餘卷七十子之徒口受其傳指為有所刺譏褒諱挹損之

文魯君子左王明懼弟子人人與端各失其真因其

論其語成公羊何休公羊序疏戴宏序云子夏傳公

左氏春秋公羊羊高傳其子平平傳子地地傳子

壽至漢景帝時壽乃共弟子胡母子都著於竹帛精

書經籍志子都授臧公臧公授孟卿孟卿授莊孟莊

孟授嚴彭祖顏安樂故後穀梁范毒穀梁序疏穀梁

漢公羊有嚴氏顏氏之學穀梁子名淑字元始一日

赤受經於子夏為經作傳傳孫卿孫卿傳申公鄒夾

申公傳蔡千秋漢宣帝好穀梁擢千秋為郎董公孫

有錄無書又春秋述鄒氏無師夾氏傳十一卷董公孫

治公羊董仲舒見二體篇史記公孫宏傳家貧牧豕

海上年四十餘乃學春秋雜說漢書儒林傳

胡母生子都治公羊春秋為景帝博士與董仲舒同
業年老歸教於齊公孫宏亦頗受焉又瑕邱江公受
穀梁於魯申公上使與仲舒議不如仲舒而丞相公
孫宏本為公羊學比輯其議卒用董生於是上尊公
羊家詔太子受公羊蔡肅議穀梁漢書儒林傳沛蔡
春秋由是公羊大興蔡肅議穀梁千秋字少君蕭望
之傳望之字長倩父儒林傳房太子受公羊既通復
私問穀梁而善之宣帝以問韋賢夏侯勝皆言宜興
穀梁時千秋為郎擢為諫大夫郎中戶將選郎十人
從受積十餘歲皆明習迺召五經名儒太子太傅蕭
望之等大議殿中平同議三十餘李封後漢書儒林
事多從穀梁由是穀梁之學大盛李封後漢書儒林
興陳元傳春秋左氏學韓歆欲為左氏立博士未決
陳元上書訟遂以魏郡李封為博士韋儒蔽固者數
廷爭之及封卒光武鄭興父子後漢書鄭興傳興字
重違眾議因不復補鄭興父子少輟少舉公羊春秋
晚善左氏傳積精深思將門人從劉歆講正大義歆
使撰條例章句訓詁世言左氏者多祖於興而賈逵
自傳其父業故有鄭賈之學千眾字仲師從父受左
氏春秋精力於學作春秋難記條例建初六年代鄧

彪為大司農受詔杜預注見鑒百二十國書見六家

作春秋刪十九篇太史公自外孫楊惲惲字子幼以忠任

注厥協五句序原文為郎補常侍騎惲母司馬遷女也惲始十篇未成等

讀外祖太史公記頗為春秋以村能稱十篇未成等

句並同張守節正義引晏語通策日者等傳句下有

其通策日譙周六句晉書司馬彪傳家人諸子彪傳

者五字作俗語百家而史通兩見其語皆作家人太初年號

當是王臧輩舊本之文譙周原句如此也太初年號

劉向等十五人向歆揚雄自有傳馮商見漢書藝文

志史岑見本集人物篇晉馮段肅見後雄歆美新選

漢書班固傳馮衍自有傳餘七人未詳阿義和劉歆與

劇秦美新揚子雲撰漢書王莽傳少天功發得周禮

固傳永元初大將軍竇憲出征匈奴以固為中護軍
與參議及憲敗固坐免初洛陽令神兢嘗行固奴千
其車騎畏憲不敢發心街曹大家後漢書列女傳扶
之至是捕繫固死獄中曹大家風曹世叔妻者同
郡班彪之女也名昭字惠班一名姬博學高才世
叔早卒有節行兄固著漢書未竟和帝詔昭踵成
續所作後漢書馬援傳援兄子嚴嚴七子唯續融知
帝時漢書始出多未能通馬融從注解二十五家
班昭受讀後詔融兄續繼昭成之
古漢書序例諸家注釋雖見氏名至於爵里頗或難
知傳無所存具列如左按簡里文煩今但以氏名列
之荀悅服虔應劭並後漢人伏儼劉德鄭氏李奇皆
不著代鄧展文穎張揖蘇林如淳孟康並魏人張晏
項昭皆不著代韋昭吳人晉灼劉寶郭璞蔡謨並晉
人臣瓚崔浩後魏人師古所述止二十二個人今
師古亦止二十三人其二人不可詳矣又揚臣瓚不
著姓宋景文筆記以為於瓚而水經注嘗引及之乃
薛瓚也見李荀悅漢紀總為帝紀通比其事例繫年
衍筆記跋

月大畧粗舉凡為三十卷數十餘萬言省春秋考紀

約易言無妨本書有便於用其旨云爾

其四時以立言如春秋之經也按帝紀通有此劉珍

李尤帝時召見殿才篇後漢書文苑傳李尤字伯仁

夫詔與謁者僕射劉珍等俱撰漢記按珍尤二人同

傳同事郭本誤作李充充在獨行傳無預史職注乃

引傳為徵伏無忌黃景傳晉至元孫無忌桓帝元嘉

中詔無忌與黃景孝穆崇二皇孝穆五字傳寫為脫

崔實等共撰漢記孝穆崇二皇常作獻穆孝崇二皇

后邊韶後漢書文苑傳邊韶字孝先桓崔實後漢書

駟孫實字子真一名台字元始才美能朱穆才見要曹

高召拜議郎與邊韶延篤著作東觀朱穆才見要曹

壽舊注字世叔即娶雜作后傳後漢書皇后紀獻穆

操之中女也魏受禪遣使求璽綬后怒呼使者入親
數讓之以璽抵軒下涕泣橫流曰天不祥爾考崇
皇后諱明懿梁皇后諱嬪大將軍商之女后以德進
為皇后諱順烈梁皇后諱嬪大將軍商之女后以德進
不敢有驕專之心安思問皇后元初元年入掖庭二
年立為皇后延平四年帝崩臨朝按後漢皇后稱紀
始自華嶠而范曄因崔篆傳不載崔篆延篤後漢
之其先本稱傳也崔篆傳不載崔篆延篤後漢
篤傳篤字叔堅桓帝以博士徵拜順帝功臣及蔡倫
議郎與朱穆邊韶共著作東觀漢記順帝功臣及蔡倫
傳順不與范書孫程鄭眾蔡倫並在宦者傳唯郭馬蔡
楊虛後漢書袁術傳注決錄注曰馬口碑字翁叔融
遂登台輔蔡邕楊彪盧植並見張才篇諸人著作各
互見彪傳注彪與日碑植並見張才篇諸人著作各
碑邕彪補續漢紀邕傳董卓被誅王允收邕日碑馳
謂允曰伯喈曠世逸才多識漢事當續成後史為一
代人典且忠孝素著所坐無名乎允不聽日碑退而
告人曰王公其不長世乎善人國之紀也著作國之

典也滅紀廢典其能久乎邕死獄中適作靈紀及十
意又補諸列傳四十二篇因李催之亂湮沒多不存
秘書丞司馬彪至續漢書

長子也泰始中散騎常侍至九十七篇與晉書華嶠
為秘書郎轉丞

同嶠見二體篇又按本傳嶠以皇后配天作合前史
作外戚傳以繼末編非其義也故易為皇后紀以次

帝紀又以志為典以有堯典故也而改名漢紀為漢
後書奏之詔朝臣會議咸以嶠有實錄之風藏之秘

府范曄車還尚書郎左遷宜城太守乃刪眾家後漢
書為一家之作後以狂悖誅獄中與甥姪書自序曰

吾狂繫覆滅豈復可言常恥作文士文患其事盡於
形情急於藻義牽其旨韻移其意常謂情志所託故

當以意為主以文傳意此中曲有成理自謂頗識其
數云十志未成而齋書錄解題志三十卷司馬彪撰

云借舊志注以補之其後紀傳孤行而志不顯至本朝
乾興初判國子監孫奭始建議合之而不著其為彪

書也今攷章懷注所引稱續漢志者文與今志同信
其為彪書不疑按唐時范史其補志本與紀傳合行
見編次篇又范紀注載宋書謝儼傳云十志託儼搜
撰雖敗悉蠟以覆車今闕容齋四筆亦及之異說備
攷後漢紀尚鎮牛渚引宏參其軍事語見黠煩篇後
出為東陽郡後漢紀三十卷隋唐志編年類先有
張璠撰者前於左傳家見之宏即探撫璠紀為之也
宏紀自序史傳之興所以通古今而篤名教也並明
之作廣大悉備史遷剖判建古立今而源流因籍荀悅
經綸足為嘉史今因前代遺事畧因源流因籍荀悅
舉義教所歸末吏區區注疏而已衛覬魏志伯儒拜
侍中與王粲並典制度受縹緲魏志劉劭傳亦有才學
詔典著作又為魏官儀縹緲魏志劉劭傳亦有才學
多所述敘清又為魏官儀縹緲魏志劉劭傳亦有才學
襲字熙伯辟御史大夫韋誕魏志劉劭傳亦有才學
錄曰誕字仲應璩魏志王粲傳附應璩官至侍中注
將善屬辭章應璩文章敘錄曰璩字休璉善書記齊
王即位王沈見敘事篇晉書王沈傳沈阮籍籍傳阮
典著作王沈與荀顗阮籍共撰魏書沈阮籍籍傳阮

字嗣宗為步兵校尉又王孫該魏志劉劭傳附陳邵

沈傳沈與阮籍共撰魏書孫該太守任城孫該注文

章敘錄日該字公達年傅元晉書傅元傳魏除郎中

二十為郎中著魏書又見書事篇吳大帝至召瑩續

選人著作撰集魏書又見書事篇吳大帝至召瑩續

暖繆施或印魏志之繆襲侯考吳大帝至召瑩續

史暖三人見史官篇丁孚項峻周昭梁廣四人見數

疏吳志曜終其書注有稱章曜吳書者可知終之者

皆無傳曜終其書注有稱章曜吳書者可知終之者

曜著作陳至寫其書陳壽見六家夏侯湛晉書夏侯

湛字孝若與潘岳友善每行止同輿接席市都謂之

連壁除散騎常侍著論三十餘篇別為一家之言

異聞錯出魏事者有魚豢魏畧孫盛魏氏春秋王

沈魏書陰澹魏紀荀勗文章敘錄曹瞞傳魏武故事

褒賞合漢魏春秋典論魏末傳魏名臣奏魏世譜等

其錄蜀事者有王隱蜀記譙周蜀本記陳壽益都耆

舊傳又雜記常璩華陽國志郭冲五事張儼嘿記等

且川卷

卷五

三

其錄吳事者有張勃吳錄吳中吳庾韋曜吳書虞淵
江表傳環氏吳記會稽典錄等其統錄者有司馬彪
續漢書九州春秋謝承後漢書張璠袁宏後漢紀華
嶠漢後書孔衍漢魏尚書習鑿齒漢晉春秋獻帝春
秋獻帝紀獻帝起居注山陽公載記漢末名士錄陸
先賢行狀英雄記等皆所述吳辭故言異聞錯出
機東哲陸機撰晉紀見隋唐志其書已見本王銓
隱虞預並見二體篇私錄晉事見二體篇干寶晉紀
見六家按干寶是編年體自鄧粲晉書鄧粲傳粲長
新晉書行而其書遂廢也
著元明紀十篇按元明謂晉孫盛晉書孫盛傳盛字
中興初中宗元帝肅宗明帝孫盛安國太原人十歲
避難渡江及長善言名理補長沙太守桓道鸞南史文
守遷秘書監著魏氏春秋晉陽秋
傳超叔父道鸞字萬安國子王韶之宋書王韶之傳
博士永嘉太守撰續晉陽秋
志尚泰元隆安時事小大悉錄韶之因此私撰晉安
帝陽秋既成時人謂宜居史職卽除著作佐郎使續

後事說義熙九年按又見雜述篇造兩帝近八朝起元明盡安恭鄧

案止撰元明紀是遠兩帝也其後王韶之續何法盛

至安帝之義熙而恭帝不人紀是近八朝也何法盛

宋書無傳隋書經籍志晉中興書七十臧榮緒齊書

八卷起東晉宋湘東太守何法盛撰臧榮緒高逸

傳臧榮緒東莞舊人純篤好學括東西晉為一書紀

錄志傳百一十卷隱居京日教授南徐州太祖為揚

州徵為主貞觀纂錄舊唐書房元齡傳貞觀十八年

簿不到貞觀纂錄元齡與褚遂良受詔重撰晉書

於是奏請許敬宗來濟陸元仕劉子翼令狐德棻李

義府薛元超上官儀等八人分功撰錄以臧榮緒晉

書為主參考詳洽然史官多文詠之士好採碎事競

為綺豔李淳風修天文律曆五行三志最可觀太宗

白著宣武二帝陸機王羲之四論於是總題曰御撰

凡一百三十卷通志畧古者修書成於一家至唐始

用眾手晉隋晉史十八家按隋經籍唐藝文志正史

二書是也部凡八家其撰人則王隱

虞預朱鳳何法盛謝靈運臧榮緒蕭子雲蕭子顯也

編年部凡十一家其撰人則陸機干寶曹嘉之習鑿

商鄧粲張盛劉謙之王詔之徐廣庾道愷郭季產也
據志蓋十九家豈緣習氏書獨主漢斥魏以爲異議
遂廢不用歟又按雜說篇有曹干孫植皆不之取之
語是就既修後言此云十八家則兼舉之是就勅修
之始難致何承天學幼漸義訓儒史該覽除著作佐
羣書言
郎撰山謙之見徐裴松之見補注篇傳領國子博士
國史
孫冲之見臧質傳晉秘書監盛會孫也又見蘇寶生
見徐爰傳又見王僧達傳云蘇寶生名寶生本寒門
有文義之美官至南臺侍御史江寧令坐知高閣反
不啓聞誅按高閣者與沙徐爰宋書恩倖傳爰本名
門釋曇相誑爲亂者也
遷左丞先是元嘉中使著作郎何承天蘇寶生踵承之
祖初又使奉朝請山謙之南臺御史蘇寶生踵承之
六年又以爰使領著作使終其業爰雖因前作而專爲
一家之書爰使僻善事人長於傳會故委寄尤重前
見二臧魯王諸傳在宋書列傳第三十四三沈約見
體篇

體裴子野見六江淹十志梁書江淹傳流字文道起

建安王記室參掌詔冊并典國史鄭樵通志序江淹

有言修史之難無出於志誠以志者憲章之所繫非

老於典故不能為也按隋志江淹齊紀十三卷亡南

史本傳云與司徒左長史檀超共為條例為王儉所

駁所撰十三篇竟無次序即指此沈約齊紀見二體

也其傳末云齊史十志行於世沈約齊紀見二體

書沈約所著蕭子顯啓撰齊史啓撰諸句見梁書蕭

齊紀三十卷蕭子顯啓撰齊史啓撰諸句見梁書蕭

各自為史舊本脫去梁天監中太尉錄事蕭子顯啓

撰齊史八句遂與沈約混為一書而本文二十篇之

下綴有紀八志十一列傳四十合成五吳均齊春秋

十九篇凡十六字不可通矣茲特補正

見六沈約梁書沈約傳著周興嗣梁書文學傳興嗣

家沈約高祖紀十四卷周興嗣字思纂為員外散

騎郎佐撰國史選給事中撰史如故唐鮑行卿梁書

書藝文志周興嗣梁皇帝實錄五卷鮑行卿梁書

唐書藝文志鮑行卿謝昊梁書無傳何之元劉璠合

乘輿飛龍記二卷謝昊見史官篇何之元劉璠合

撰梁典按陳書何之元周書劉瑤二傳各言撰梁典三十卷隋唐二志亦皆分載二典而史通以爲二人合撰則梁典祇是顧野王見正史篇唐書藝一書耳足正二志之岐出顧野王文志顧野王陳書三傳緯陳書傳緯傳緯字宜事北地人梁太清未攜卷傅緯陳書傳緯傳緯字宜事北地人梁太清未攜骨立世祖召爲撰史學士唐陸瓊續撰陳書陸瓊傳書藝文志傳緯陳書三卷陸瓊續撰瓊字伯玉有至性從祖齊歎曰此兒必荷門基所謂一不爲少領大著作隋書經籍志陳書四十二卷說宣帝陳吏部尚書陸姚察見題思廉唐書姚思廉傳思廉本名簡瓊撰姚察見題思廉唐書姚思廉傳思廉本名簡授秦王府文學王卽位改著作郎宏文館學士詔與魏徵共撰梁陳書思廉采謝吳顧野王等諸家言推究綜括爲梁陳二家史以卒十六國史諸零雜短卷父業按謝吳隋志作謝吳十六國史諸零雜短卷當時已多刊落無從引然細尋節中諸所勾勒恰與隋唐二志厯厯相符隋志前趙則漢記十卷唐志作十四卷和苞撰後趙則趙書十卷唐志作二十卷僞燕太傅長史田融撰又二石傳二卷二石僞事二

卷唐志作六卷晉北中郎參軍王度撰前燕則燕書
二十卷記慕容皝事偽燕尚書范亨撰南燕則南燕
錄六卷記慕容德事偽燕中書郎王景暉撰蜀成則
唐志有漢之書十卷蜀李書九卷華陽國志十三卷
並常璩撰前凉則隋志有凉書十卷燉煌實錄十卷
唐志作二十卷並劉景暉撰唐諱昉劉景暉劉昉也前
秦則秦記十一卷宋殿中將軍裴景仁撰杜惠明注
後秦則秦記十卷記姚萇事魏左民尚書姚和都撰
夏則隋唐二志皆無書西凉西秦二志亦無書後凉
則二志皆有凉記十卷記呂光事偽凉者作佐郎段
龜龍撰北凉則二志皆有凉書十卷注云沮渠國史
不著撰人據本文及史當卽是宗欽南凉則二志皆
有托跋凉錄十卷撰人缺今作失名北燕則二志皆
有燕志十卷記馮跋事並云魏侍中高間撰而魏書
韓顯宗傳有撰馮志十卷之文與本文合恐卽與高
間合作已上十六國史通人書俱缺者惟夏與西
凉西秦也而二志亦此三國無崔鴻十六國春秋見
書其餘雖有失名互證皆合崔鴻十六國春秋探
賸篇魏書崔鴻傳子子元永安中奏其父書曰臣亡
考鴻任屬記言刊著趙燕秦夏凉蜀等遺載爲之贊

序先朝之日草構悉了唯有李雄蜀書搜索未獲闕
茲一國遲留未成去正光三年購訪始得討論適訖
而先臣棄世凡十六國名爲春秋一百二卷今繕寫
一本敢以仰呈儻或淺陋不同容賞乞藏秘閣以廣
異附錄按屠氏不著採錄書名難據以爲正證要其
家附錄語決非無木史通所列人氏與於史事者四
十二人不與史事者一人今就屠書有者附見之又
有別見諸史及木集他篇者亦括出之前趙公師或
善相人劉淵深相崇敬後官太中大夫爲劉聰所誅
和苞劉曜時諫營壽陵封平興子二人史官篇亦見
後趙徐光字季武頓丘人石勒記室參軍遷中書令
領秘書監傳暢字世道北地人爲大將軍右司馬諸
識朝儀勒器之作晉諸公敘讚二十卷公卿故事九
卷南燕王景暉苻秦太史令高魯之甥也魯遣暉隨
獻玉璽於慕容德留仕德著南燕錄六卷蜀成常據
亦作據屠錄與補注等篇所記畧同前涼索綏字上
艾燉煌人幼舉孝廉又舉秀才爲儒林祭酒張駿命
集閣內外事付綏著涼春秋五十卷劉昞屠錄與點
煩篇畧同前秦李威字伯龍苻太后之姑子也威有
辟陽之寵史官載之後苻堅見其事將罪著作郎車

敬等已死乃止趙整字文業一名正年十八為堅著
作郎情度敏達信佛法通迹商洛山專精律後秦
姚和都仕至左兵尚書撰晉紀十卷記姚萇時事
連夏趙逸字思羣天水人仕姚興為勃勃所虜拜著
作郎張淵不知何處人自云嘗仕苻堅堅敗仕姚興
父子泓滅入夏為太史令北涼宗欽字景若金城人
博綜羣言仕沮渠蒙遜為中書郎撰涼記十卷已上
名見屠本者凡十五人又別見者范亨見魏書崔浩
傳吉翰宋書有傳馮翊池陽人裴景仁見南史及世
說注韓顯宗見魏書韓麒麟子也字茂親又做見本
集者董統見直書篇劉鄧淵國記彥海太祖定中原
慶兄史官篇餘闕考鄧淵國記彥海太祖定中原
擢為著作郎詔淵撰國記淵造十餘卷崔浩等撰國
惟次年月起居行事而已未有體例
書事見直書篇魏書崔浩傳初太祖詔尚書郎鄧淵
著國記未成逮於太宗廢而不述神龜二年詔集
諸文人撰錄浩及弟覽高謙鄧穎晁繼范亨黃輔中
等共參著作敘成國書三十卷按鄧穎即鄧淵子中
書郎高允至模有力焉
偉傳劉模即附允傳中本文

皆撮取傳語也再按允傳浩之被收也允直中書省
時恭宗爲太子召允留宿翌日命允驂乘至宮門謂
曰入當見至尊吾自導卿脫有問但依吾說既人見
恭宗曰高允自在臣宮雖與浩同事制由於浩世祖
召允曰國書皆崔浩作否允對曰臣與浩同作臣多
於浩世祖大怒恭宗曰大威嚴重允迷亂失次耳臣
向備問皆云浩作允曰臣謬參著作今已分死不敢
虛妄殿下哀臣失命耳實不問臣臣無此言世祖曰
直哉臨死不移貞臣也宜宥李崔始爲紀傳魏書李
之按允字伯恭年九十八李崔始爲紀傳魏書李
字道固參著作事自成帝以來浩允編年序錄爲春
秋之體彪始奏從遷固之體創爲紀傳表志之目焉
魏書崔光傳光本名孝伯字長仁高祖賜名拜中書
博士轉著作郎與秘書丞李彪參撰國書魏光即鴻
父宣武時至號爲穢史魏收傳對證之事語咸其耶
也
綱宇鴻賓中書侍郎尚書王遵業著作佐郎溫子昇
見敘事篇暉業魏濟陰王新成曾孫四人魏書有傳
小柔國子博士辛元植司空司馬房延祐通直常侍
睦仲讓不著官秩袁昂之國子博士高孝幹尚書郎

六人皆無傳楊遵彥楊愔字北齊書楊愔
傳尚太原長公主尚書右僕射封開封王辨宗室錄
魏書宗室傳濟陰王暉業沙予史有志節齊文襄嘗
問之對曰數尋伊霍之傳不讀曹馬之書暉業以時
運漸謝不復圖全在晉陽也無所交通魏澹見本紀
撰魏澹王家世號為辨宗室錄四十卷魏澹篇隋書
魏澹傳太祖以魏收書褒貶失實平繪中興書事不
倫序詔澹別成魏史澹自道武下及恭帝為十二紀
七十八傳別為史論及例一卷并目錄合九十一
二卷書其簡畧大矯收繪之失上覽而善之顏之
推北齊書顏之推傳之推字介隋開皇中太子召為
學士甚見禮重按顏介共撰魏書之文本傳不載
平德源林慮山秘書監牛宏以德源才高祖受禪隱於
郎王劭同楊素別撰隋書楊素傳素字處道高祖受
修國史楊素別撰禪加上柱國封越國公大業元
年改封楚公有集潘褚歐陽彥吳人楊帝嗣位詔徽
十卷別撰事兒下潘褚歐陽彥吳人楊帝嗣位詔徽
與太常博士褚亮歐陽詢等助越公楊素撰魏書會
素薨而止褚亮字希明歐陽詢字信本唐書有傳

祖孝徵祖班字也北齊書祖班傳後主拜班尚書左

援黃初傳天錄是班所創起居實錄書名以比魏文

受禪媚獻武也或誤從傳字截句讀作去聲遂改錄

為祿疑是年號陸元規見祖陽休之北齊書陽休之

時實無此元也陸元規見祖陽休之北齊書陽休之

齊受禪除敬騎常侍修起居杜臺卿見隋書李德林

注天統初為光祿卿監國史杜臺卿傳舊注字少山

齊中書祖德儒舊注班族弟也武崔子發隋書經籍

侍郎祖德儒舊注班族弟也武崔子發隋書經籍

十卷紀後齊王劭王劭齊書即六家所引按十李德

事崔子發撰王劭王劭齊書即六家所引按十李德

林見探齊志十六卷原注其序云二十卷今百藥見

紀篇李柳虬見史官篇周書柳虬傳大統牛宏見世

安平注柳虬見史官篇周書柳虬傳大統牛宏見世

令狐德棻見史官篇又見本岑文本舊唐書岑文本

摧拜中書舍人時中書侍郎顏師古免溫彥博奏請

復用太宗曰我自舉一人公勿憂也於是文木為

中書侍郎專典機密又先與令狐德棻撰周史其史論多出於文木至十年史成王劭書

隋書即六家所引王冑隋書文學傳王冑字承基大

典齊志體例殊科王冑業初為著作佐郎唐書藝文

志有開皇起居無大顏師古舊唐書顏師古字師

業起居散逸故也顏師古齊黃門郎之推孫也

少傳家業武德初為秦王府記室遷中書舍人孔穎

達舊唐書孔穎達傳穎達字仲達光明左氏傳鄭氏

位除國子司業遷太子右庶子貞觀三年創造唯城

仍兼司業與魏徵撰成隋史貞觀三年創造唯城

思廉貞觀二年起五代紀傳舊唐書令狐德棻傳德

功多於諸史一年五代紀傳舊唐書令狐德棻傳德

無正史梁陳及齊猶有文籍周隋遭大業離亂多有

遺闕當今耳目猶接更十數年後恐湮沒如臣愚見

並請修之高祖然其奏詔曰自有魏南徙乘機撫運

周隋神代梁氏稱邦齊遷龜鼎陳建皇宗立言著績

無乏於時而簡牘未編炎涼已積朕握圖馭宇方立

典謨有懷撰次實資良直云云詔下數年竟不能就

貞觀三年太宗勅德棻與岑文本修周史李百藥修
齊史姚思廉修梁陳史魏徵修隋史與房元齡總監
德棻又奏引崔仁師佐修周史德棻仍總知類會魏
徵傳徵字元成初令孤德棻等撰諸史徵受詔總加
撰定隋書序論皆徵所作按隋書本顏孔合撰與十
七節并下條注會看乃全又按宋齊北魏三書前代
已成故唐五代史記合者李淳風傳則云除太史丞
修止於五
預撰五代史其天文律厯五行志皆淳風作李延壽
傳則云補崇賢館學士受詔同敬播修五代史志而
于志寧傳但云預修禮修史等功賞賜不言所修何
史至韋安仁則無傳常用史通語證補之直齋書錄
解題隋志高宗時始成上總創業起居注舊唐書溫
梁陳齊周之事俗號五代志創業起居注大雅傳大
雅字彥和武德元年歷貴門侍郎撰創業起居注三
卷御齋讀書志紀高祖起義至受隋禪用師符讖受
命與房元齡舊唐書房元齡傳房喬字元齡在秦府
明事
尚書左僕射許敬宗見史敬播見史官篇舊唐書敬
監修國史

祖太宗實錄白創業至貞觀十四年為二十卷後又
撰太宗實錄從貞觀十五年至二十三年為二十卷
姚長孫等撰紀傳姚思廉新舊本傳不書撰國史長

止云監修國史唐書文苑劉昫之傳永徽中累轉著
作郎與合孤德榮著作楊仁卿等撰成國史封陽城
縣男其從孫卽知幾也楊仁卿無傳顧肩傳以撰武
德貞觀兩朝國史八十卷成加胡散大夫按新舊二
書凡書國史或統言或專以紀傳言猶張衡之蔡邕
或竟闕書史通此等處可當史補

商芸小說張衡死曰蔡邕母始孕二人才貌相類人

云邕是張衡後身按史通是語蓋反辭以况也後漢
靈帝嘗問侍中楊奇曰朕何如桓帝奇對曰陛下
下之於桓帝亦猶虞舜比德唐堯語意正相似李仁

寶見史牛鳳及官篇朱敬則徐堅吳兢三人並見自
撰唐書八十卷則天實錄三十卷可補知幾本傳又

按崇文總目吳兢撰唐史自創業迄開元凡一百一
十卷章因其本更加筆削云云正與八十三之數
相合但云一百十卷不分紀傳編年又專屬之吳兢

皆當以此
文正之

惑經

亦善立言

昔孔宣父以大聖之德應運而生。生人已來。未之有也。故使三千弟子七十門人鑽仰不及。請益無倦。然則尺有所短。寸有所長。其間切磋酬對。頗亦互聞得失。何者。觀仲由之不悅。則矢天厭以自明。答言偃之絃歌。則稱戲言以釋難。斯則聖人設教。其理合宏。或援誓以表心。或稱非以受屈。豈與夫庸儒末學。文過飾非。使夫問者緘辭。杜口懷疑。不展若斯而已哉。嗟夫。古今世殊。師授路隔。恨不得親膺灑掃。陪五尺之童躬奉德音。撫四科之友。而徒以研尋蠹簡。穿鑿遺文。菁華久謝。糟粕爲偶。

理有未達二
句語極分明
凡所指陳皆
求其說而不
得者耳

未論二字亦
分明

遂使理有未達無由質疑是用握卷躊躇揮毫悱憤儻
梁木斯壞魂而有靈敢効接輿之歌輒同林放之問但
孔氏之立言行事刪詩贊易其義既廣難以具論今惟
摭其史文評之於後案夫子所修之史是曰春秋竊詳
春秋之義其所未論者有十二何者趙孟以無辭伐國
貶號爲人杞伯以夷禮來朝降爵稱子虞班晉上惡貪
賄而先書楚長晉盟譏無信而後列此則人倫臧否在
我筆端直道而行夫何所讓奚爲齊鄭及楚國有弑君
各以疾赴遂皆書卒夫臣弑其君子弑其父凡在含識
皆知恥懼苟欺而可免則誰不願然且官爲正卿反不

爲人君者四
字當以舊作

討賊地居冢嫡藥不親嘗遂皆被以惡名播諸來葉必
以彼三逆方茲二弑躬爲梟獍則漏網遺名跡涉瓜李
乃凝脂顯錄嫉惡之情豈其若是其所未論一也蓋明
鏡之照物也妍媸必露不以毛嬙之面或有疵瑕而寢
其鑒也虛空之傳響也清濁必聞不以綿駒之歌時有
誤曲而輟其應也夫史官執簡宜類於斯苟愛而知其
醜憎而知其善善惡必書斯爲實錄觀夫子修春秋也
多爲賢者諱狄實滅衛因桓恥而不書河陽召王成文
美而稱狩斯則情兼向背志懷彼我苟書法其如是也
豈不使爲人君者靡憚憲章雖玷白圭無慙良史也乎

賢人君子爲
是蓋此條本
論爲四書總
也

其所未論三也。諸國臣子非卿不書。必以地來奔。則雖
賤亦志。斯豈非國之大事。不可限以常流者耶。如陽虎
盜入於讎。擁陽關而外叛。傳具其事。經獨無聞。何哉。且
弓玉中亡。猶獲顯記。城邑失守。反不沾書。畧大存小。理
乖懲勸。其所未論五也。案諸侯世嫡。嗣業居喪。旣未成
君。不避其諱。此春秋之例也。何爲般野之歿。皆以名書。
而惡視之。直云子卒。其所未論六也。夫臣子所書。君
父是黨。雖事乖正直。而理合名教。如魯之隱桓。戕弑昭
哀。放逐姜氏。淫奔子般。天酷斯則。邦之孔醜。諱之可也。
如公送晉葬。公與吳盟。爲齊所止。爲邾所敗。盟而不至。

會而後期。並諱而不書。豈非煩碎之甚。且案汲冢竹書。晉春秋及紀年之載事也。如重耳出奔。惠公見獲。書其本國。皆無所隱。唯魯春秋之記其國也。則不然。何者。國家事無大小。苟涉嫌疑。動稱恥諱。厚誣來世。奚獨多乎。其所未論八也。案昭十二年。齊納北燕伯于陽。伯于陽者。何公子陽生也。子曰。我乃知之矣。在側者曰。子苟知之。何以不革。曰。如爾所不知何。夫如是。夫子之修春秋。皆遵彼乖僻。習其訛謬。凡所編次。不加刊改者矣。何爲其間則一褒一貶。時有弛張。或沿或革。曾無定體。其所未論九也。又書事之法。其理宜明。使讀者求一家之廢。

與則前後相會。討一人之出入。則始末可尋。如定六年書鄭滅許。以許男斯歸。而哀元年書許男與楚圍蔡。夫許旣滅矣。君執家亡。能重列諸侯。舉兵圍國者何哉。蓋其間行事。必當有說。經旣不書。傳又闕載。缺畧如此。尋繹難知。其所未論十也。案晉自魯閔公已前。未通於上國。至僖二年。滅下陽。已降。漸見於春秋。蓋始命行人。自達於魯也。而瑣語春秋。載魯國閔公時事。言之甚詳。斯則聞事必書。無假相赴者也。蓋當時國史。它皆倣此。至於夫子所修也。則不然。凡書異國。皆取來告。苟有所告。雖小必書。如無其告。雖大必闕。故宋飛六鷁。小事也。以

有告而書之。晉滅三邦。大事也。以無告而闕之。用使巨細不均。繁省失中。比夫諸國史記。奚事獨爲疎濶。尋茲例之作也。蓋因周禮舊法。魯策成文。夫子旣撰。不刊之書。爲後王之則。豈可仍其過失。而不中規矩者乎。其所未論十一也。蓋君子以博文多識爲工。良史以實錄直書爲貴。而春秋記它國之事。必憑來者之辭。而來者所言多非其實。或兵敗而不以敗告。君弑而不以弑稱。或宜以名而不以名。或應以氏而不以氏。或春崩而以夏聞。或秋葬而以冬赴。皆承其所說而書。遂使真僞莫分。是非相亂。其所未論十二也。凡所未論。其類尤多。靜言

思之莫究所以。豈夫子之牆數仞。不得其門者歟。將某也幸。苟有過人。必知之者歟。如其與奪。請謝不敏。

杞伯降稱子

春秋傳公二十七年杞子來朝左虞班傳杞桓公來朝用夷禮故稱子

晉上

春秋傳公二年虞師晉師滅下陽左傳先書虞賄故也陸嘆非倡兵之首而先書之惡貪賄也

楚長晉盟

春秋襄公二十七年叔孫豹會晉趙武楚屈建蔡公孫歸生衛石惡陳孔奐鄒良霄

許人曹人於宋左傳將盟楚人衷甲伯州犁曰合諸侯之書以為不信是棄所以合諸侯也子木曰事利

而已苟得志焉焉川有信盟先楚人齊鄭楚弑以疾書先晉晉有信也注蓋孔子追正之

赴

春秋哀公十年齊侯陽生卒注以疾赴故不書弑襄公七年鄭伯死顧卒於鄭注實為子駟所弑以

瘡疾赴故不書弑昭公元年楚子反不討城春秋宣

庶卒注楚以瘡疾赴故不書弑左傳晉侯飲趙盾酒公曠大癸

焉趙盾弑其君夷臯左傳晉侯飲趙盾酒公曠大癸焉關且出遂自亡也趙穿攻靈公於桃園宣子木出

疆而復太史書趙盾弑其君以示於朝宣子曰不然對曰子為正卿亡不越境反不討賊非子而誰藥不親嘗許悼公飲太子止之藥卒太子奔晉書曰弑其凝脂密秋茶尚煩按蓋謂刑峻齊乞楚比春秋六年齊陽生入於齊齊陳乞弑其君茶左傳陳乞與大夫以甲入於公宮公戰於莊敗陳僖子使召公子陽生立之悼公使胡姬以安孺子如賴使朱毛告於陳子曰君不可以二倍子不對而泣公使毛遷孺子於駘殺諸野幕之下昭公十三年楚公子比自晉歸於楚弑其君虔於乾谿左傳楚子次於乾谿羣喪職之族啓越大夫常壽過作亂觀起之死也其子從在蔡以蔡公之命召子干子皙盟於鄧以人楚殺太子祿及公子罷敵公子比為王公子黑肱為令尹公子棄疾為司馬使觀從從師於乾谿王聞羣公子之死也自投於車下縊於芋尹申亥氏注楚比劫立陳乞流涕皆疑於免罪春秋明而書之以為弑主按悼公即陽生安孺子即茶比即子邯鄲圍池魚及鱉有魯十黑肱即子皙棄疾即蔡公

酒句郭注楚宣王朝諸侯魯後至酒薄宣王欲辱之不辭而行王怒攻魯梁惠王常欲擊趙畏楚救楚以魯爲事梁得圍邯鄲清波雜志張無盡一表有魯酒城門二句上句出莊子下句不知所出廣韻以池仲魚爲人姓名白樂天詩火發城門魚邾之闔者春秋水裏救火竭池魚失水不上姓名說邾之闔者定公三年邾子穿卒左傳邾子在門臺臨廷閭以餅水沃廷邾子怒閭曰夷射姑旋焉命執之弗得滋怒自投於牀廢於爐炭爛遂卒莊公卞急滅衛不書春秋閔而好潔故及是注旋小傾廢墮也滅衛不書春秋閔狄人衛穀梁范注不能攘夷狄故爲之諱春秋召王稱狩爲賢者諱齊桓不能攘夷狄故爲之諱春秋僖公二十八年天王狩於河陽左傳是會也晉侯召王以諸侯見且使王狩仲尼曰以臣召君不可也以訓故書云云言非其地也且明德爲人君者此四也注隱其召君之闕欲明晉之功德爲人君者此四作賢人君子或以地來則志庶其以漆閭止來介昭作夫君子皆誤以地來則志庶其以漆閭止來介昭公五年莒牟夷以牟婁及防茲來奔昭公三十一年邾黑肱以濫來奔左傳賤而書名重地故也以土地

出求食而已不求其名賤而必書入謹無聞弓玉獲記春秋定公八年盜竊寶玉

大弓左傳陽虎欲去三桓戒都車曰癸巳至公斂處

父與孟孫以壬辰為期與陽氏戰於棘下陽氏敗陽虎說甲如公宮取寶玉大弓以出入般野以名書春秋

於謹陽關以叛注叛不書畧家臣

莊公三十二年子般卒左傳孟任生子般焉公薨於路寢子般即位次於黨氏共仲使圉人犖賊子般於

黨氏注先君未葬不稱爵不書殺諱之也襄公三十一年子野卒左傳公薨於楚宮立胡女敬歸之子子

野癸巳卒注也注惡視云子卒春秋文公十八年子卒

哀毀以致滅性注惡視云子卒春秋文公十八年子卒

惡及視而立宣公書曰隱桓戕弑春秋隱公十一年

子卒諱之也詳編次篇

又不地者史策所諱也桓公十八年公會齊侯於濶公與夫人姜氏遂如齊公薨於齊左傳公及文姜如齊齊侯通焉公謫之以告使公子彭生乘公公薨於車經注不言戕諱之也戕例在宣公十八年邾人戕鄆子於鄆傳凡自虐昭哀放逐左傳昭公二十五年

兵逐公徒公出奔經書公孫於齊次於陽州注諱奔
故曰孫若自遜讓而去位者哀公二十七年附傳公
患三桓之侈也三桓亦患公之妄也故君臣多間公
欲以越伐魯而去三桓因孫於邾乃遂如越按哀之
出非逐也且在經後惑經不姜氏淫奔春秋莊公元
惑無經者蓋牽組屬對之病姜氏淫奔春秋莊公元
齊注內諱子般天酷即子般卒送晉葬春秋成公十年晉
齊謂之孫子般天酷即子般卒送晉葬春秋成公十年晉
傳公如晉晉止公使送葬諸侯莫在魯人與吳盟前
辱之故不書諱之也注諱不書晉葬也與吳盟前
爲齊止春秋僖公十六年公會齊侯宋公陳侯衛侯
會左傳淮之會齊人止公九月公至書曰至自會猶
有諸侯之事焉且諱之也注恥見執故託會以告廟
爲邾敗春秋僖公二十二年及邾人戰於升陘左傳
不言公又不盟不至春秋文公十五年諸侯盟於扈
言師敗績盟不至左傳凡諸侯會公不與不書諱
君惡也與而不書後也注會後期春秋文公七年公
不書謂不國別序諸侯會諸侯晉大夫盟

於左傳公後至不書所會凡會諸侯不書所會後也後至不書其國辟不敏也注不書所會謂不具列公侯及伯于陽公子陽生春秋昭三年北燕伯欵出諸大夫伯于陽公子陽生奔齊又十二年齊高偃帥師納北燕伯于陽公羊傳伯于陽者何云云注斷三字問之孔子案史記知公誤為伯子誤為于陽在生刊滅劉駁公羊自創為例謂犯父命出者奪其國如哀公二年晉納衛世子蒯聵於戚而不言衛是也欵非犯父命不當言于陽又謂小國出入不兩書如僖公二十五年楚納頓子於頓其出奔不書是也北燕小國不當兩書遂以伯于陽三字為誤而創為說曰史不可革可謂臆說者矣而託之孔子之語夫豈其然劉敞云公羊謂孔子作春秋用百二其間行事不十國寶書百二十國書悉如是殘缺乎其間行事不書郭誦春秋二十國年表定公六年鄭滅許以斯歸之許男即元公成也斯雖執許未亡也哀公元年圍蔡摘非過年表之文當取以補經傳不必駁劉未通於上國上當晉滅三邦左傳閔公元年晉侯作二軍作宗晉滅三邦公將上軍太子申生將下軍

趙風御戎畢萬為右以滅耿不以敗告左傳隱公十
滅魏滅霍注三國皆姬姓
有命告則書不然則否雖及滅國不以弑告齊鄭首
滅不告敗勝不告克不書於策
弑君而以疾宜名不名如隱公七年傳滕侯率不
赴之事也
五年傳陳女叔來聘嘉之故不名又宣公十年經齊
崔氏出奔衛傳言非其罪也且告以族不以名之類
是應氏不氏注云不成公十五年宋殺其大夫由春崩
也
夏間秋葬冬赴按此言赴間踰期耳春夏秋冬字不
王崩注云實以前年閏月崩以今年十二月丁未告
是即崩間之不以時也至諸侯書葬則但有往會不
會書不書葬緩葬速葬闕月
之文而赴不以時竟無的考

申左

古之人言春秋三傳者多矣。戰國之世。其事罕聞。當前漢專用公羊。宣皇已降。穀梁又立於學。至成帝世。劉歆始重左氏。而竟不列學官。大抵自古重兩傳而輕左氏者。固非一家。美左氏而譏兩傳者。亦非一族。互相攻擊。各用朋黨。嚙眙紛競。是非莫分。夫解難者。以理爲本。如理有所闕。欲令有識心伏。不亦難乎。今聊次其所疑。列之於後。蓋左氏之義有三長。而二傳之義有五短。案春秋昭二年。韓宣子來聘。觀書於太史氏。見魯春秋曰。周禮盡在魯矣。吾乃今知周公之德。與周之所以王也。然

才字未安
不是才一邊
事

產字舊作史
字亦通二田

春秋之作始自姬旦。成於仲尼。正明之傳。所有筆削。及發凡例。皆得周典。傳孔子教。故能成不刊之書。著將來之法。其長一也。又案哀三年。魯司鐸火。南宮敬叔命周人出御書。其時於魯文籍最備。正明既躬爲太史。博總羣書。至於檮杌紀年之流。鄭書晉志之類。凡此諸籍。莫不畢覩。其傳廣包它國。每事皆詳。其長二也。論語子曰。左丘明恥之。某亦恥之。夫以同聖之才。而膺授經之託。加以達者七十。弟子三千。遠自四方。同在一國。於是上詢夫子。下訪其徒。凡所採摭。實廣聞見。其長三也。如穀梁公羊者。生於異國。長自後來。語地則與魯產相違。論

以史爲書之名不以爲官名故改之爾浦氏本頗周密惟輕改是其一病子曰吾猶及史之闕文也問馬父嘉其辨說嘉其二字二田疑是加之之訛加訛嘉近之其字不悞

時則與宣尼不接安得以傳聞之說與親見者爭先乎其短一也左氏述臧哀伯諫桓納鼎周內史美其讜言王子朝告於諸侯閔馬父嘉其辨說凡如此類其數實多斯蓋當時發言形於翰墨立名不朽播於他邦而止明仍其本語就加編次亦猶近代史記載樂毅李斯之文漢書錄晁錯賈生之筆尋其實也豈是子長藁削孟堅雖黃所構者哉觀二傳所載有異於此其錄人言也語乃齟齬文皆瑣碎夫如是者何哉蓋彼得史官之簡書此傳流俗之口說故使隆促各異豐儉不同其短二也尋左氏載諸大夫詞令行人應答其文典而美其語

博而奧。述遠古則委曲如存。徵近代則循環可覆。必料其功用厚薄。指意深淺。諒非經營草創。出自一時琢磨潤色。獨成一手。斯蓋當時國史已有成文。正明但編而次之。配經稱傳而行也。如二傳者。記言載事。失彼菁華。尋源討本。取諸胸臆。夫自我作故。無所準繩。故理甚迂僻。言多鄙野。比諸左氏。不可同年。其短三也。案二傳雖以釋經爲主。其缺漏不可殫論。如經云。楚子麇卒。而左傳云。公子圍所殺。及公穀作傳。重述經文。無所發明。依違而已。其短四也。漢書載成方遂詐稱戾太子。至於闕下。雋不疑曰。昔衛蒯聩得罪於先君。將入國。太子輒拒。

而不納春秋是之遂命執以屬吏霍光由是始重儒學
案雋生所引乃公羊正文如論語冉有曰夫子爲衛君
乎子貢曰夫子不爲也何則父子爭國梟獍爲曹禮法
不容名教同嫉而公羊釋義反以衛輒爲賢是違夫子
之教失聖人之旨獎進惡徒疑誤後學其短五也儒者
苟譏左氏作傳多敘經外別事如楚鄭與齊三國之賊
弑隱桓昭哀四君之篡逐其外則承告如彼其內則隱
諱如此若無左氏立傳其事無由獲知然設使世人習
春秋而唯取兩傳也則當其時二百四十年行事茫然
闕如俾後來學者兀成聾瞽者矣且當秦漢之世左氏

未行遂使五經雜史百家諸子其言河漢無所遵憑故其記事也當晉景行霸公室方強而云屠岸攻趙有程嬰杵臼之事魯侯禦宋得僞乘止而云莊公敗績有馬驚流矢之禍楚晉相遇唯在邲役而云二國交戰置師於兩棠子罕相國宋睦於晉而云晉將伐宋覘哭於陽門魯師滅項晉止僖公而云項實桓滅春秋爲賢者諱襄年再盟君臣和叶而云諸侯失政大夫旨執國權其記時也蓋秦繆居春秋之始而云其女爲荆平夫人韓魏處戰國之時而云其君陪楚莊葬馬列子書論尼父而云生在鄭穆公之年扁鵲醫療虢公而云時當趙簡

子之曰。變書仕於周子。而云以晉文如獵。犯顏直言。荀
息死於奚齊。而云觀晉靈作臺。累碁申誠。或以先爲後。
或以後爲先。日月顛倒。上下翻覆。古來君子。曾無所疑。
及左傳既行。而其失自顯。語其宏益。不亦多乎。而世之
學者。猶未之悟。所謂忘我大德。日用而不知者焉。然自
正明之後。迄於魏滅。年將千祀。其書寢廢。至晉太康年。
中汲冢獲書。全同左氏。故束皙云。若使此書出於漢世。
劉歆不作五原太守矣。於是熱虞束皙。引其義以相明。
王接荀頌。取其文以相證。杜預申以注釋。干寶藉爲師。
範。由是世稱實錄。不復言非。其書漸行。物無異議。故孔

子曰吾志在春秋行在孝經於是授春秋於丘明授孝經於曾子史記云孔子西觀周室論史記舊聞次春秋七十子之徒曰授其旨有刺譏褒諱之文不可以書見也魯君子左丘明懼弟子人各異端失其真意故因孔氏史記具論其語成左氏春秋夫學者苟能徵此二說以考三傳亦足以定是非明真偽者矣何必觀汲冢而後信者乎從此而言則三傳之優劣見矣

唯晤

左傳曰唯晤則其言唯晤說文曰唯晤言也司

鐸火

左傳曰顧府南宮敬叔至命周人出御書侯於

官子服景伯至命宰人出禮書以待命按御書卜宜例收子服景伯命宰人出禮書十字文義方是今晚

授經之託

後漢書陳元傳議立左氏疏曰正明至周賢親受孔子公羊穀梁傳聞於後世

內史

左傳桓公二年取郕大鼎於宋納於太廟非禮也臧哀伯諫云云周內史聞之曰臧孫達其有

後於魯乎君違閔馬父

左傳昭公二十二年王子朝

不忘諫之以德閔馬父

作亂又二十六年王子朝奔

楚使告於諸侯云云閔馬父聞于朝之文辭曰文辭

以行禮也無禮文辭何為按閔馬父嘉其辨說嘉其

疑是加之文典而美語博而奧

原注如僖伯諫君觀

二字之訛孫勞楚而論九鼎季札觀樂而談國

風其所援引皆據禮經之類是也述遠古則委曲

如存原注如鄭子聘魯言少昊以鳥名官季孫行父

子革諷楚靈王誦祈招之詩其徵近代則循環可覆

事明白非是厚誣之類是也原注如呂相絕秦述兩國世隙聲子班荆稱楚材晉

用晉士渥濁諫殺荀林父說文公敗楚於城濮有憂

也類是白我作故外傳魯語哀姜至公使大夫宗婦觀

作故集注言君所作則為故事按此故字公羊依違

左傳昭公元年經楚子麇卒傳楚公子圍問王有疾

入問疾繼而弑之葬王於郟謂之郟放公穀經楚子

卷卒俱無傳不見弑殺之文故曰成方遂疑傳不疑

依違也二傳注卷音權左傳作麇成方遂疑傳不疑

字曼倩始元五年有一男子乘黃犢車建黃旛衣黃

帝禰著黃旨謂北闕白謂衛太子詔雜識視京兆尹

不疑叱收縛曰昔蒯瞶云云廷尉驗治竟得姦詐本

姓成名方遂居湖以下策為事有故太子舍人嘗從

卜謂曰子狀似衛太子方遂傳引公羊二年公羊傳哀公

心利其言即詐自稱坐要斬傳引公羊二年公羊傳哀公

為者也蒯瞶之子也輓之義可以立乎曰可不以父

命辭王父命以王父命辭父命是父之行乎子也不

以家事辭王事以王事辭家事是上之行乎其言河

下也按其義與夫子不為必也正名相違反其言河

漢莊子逍遙遊吾問言於接輿吾晉霸屠岸此言

驚怖其言猶河漢而無極也

失勦不應有權臣擅攻事也左傳宣公十二年晉荀
林父帥師及楚戰於郟敗績歸請死士貞子曰林父
社稷之衛也其敗何損晉侯使復其位杜預言晉景
所以不失霸按是歲晉景公三年也史記趙世家晉
景公之三年大夫屠岸賈不請而擅攻趙氏於下宮
殺趙朔滅其族朔妻成公姊走公宮生男賈聞之索
於宮中不得程嬰公孫杵臼謀匿趙孤
也左傳莊公十年齊師宋師次於郎公子偃曰宋師
不整蒙臯比而先犯之公從之大敗宋師於乘丘齊
師乃還又十二年凡師得傷曰克檀弓魯莊公及宋
人戰於乘丘縣賁父御馬驚敗績遂死之國人浴馬
有流矢遇郟兩棠此就郟戰一事而言見書地多
在白肉遇郟兩棠此就遇郟即前宣公十二年晉
楚戰事杜預注郟地按今開封府鄭州東有地名郟
城是賈誼新書先醒篇昔楚莊王即位自靜三年以
講得失宋鄭無道莊王圍宋伐鄭鄭伯肉袒牽羊奉
簪而獻國莊王曰非利之也弗受乃南與晉人戰於
兩棠大克晉人按地或有兩名者睦晉覘哭此據
但晉鄭在北乃反云南失之遠矣

修睦之文見規伐非情也左傳襄公二十七年宋向
戌善於趙文子又善於令尹子文欲弭諸侯之兵以
爲名如晉告趙孟韓宣子曰兵民之殘也將或弭之
必許之按是時宋子罕方爲司城禮檀弓陽門之介
夫死司城子罕人而哭之哀晉人之規滅項爲諱
宋者反報於平侯曰民悅殆不可伐也滅項爲諱
此則魯滅齊滅之異其文左傳僖公十六年會於淮
陰十七年滅項淮之會公有諸侯之事未歸而取項
齊人以爲討而止公公羊傳執滅之齊滅之曷爲不
言齊滅之爲桓公諱也春秋爲賢者諱此滅人之國
何賢爾君子之惡惡也疾始善善也樂終桓再盟
公嘗有繼絕存亡之功故君子爲之諱也
失政此則繼絕存亡之功故君子爲之諱也
失政於長楊又單頃公及諸侯盟於雞澤陳成公使
袁倚如會諸侯之大夫及陳袁倚盟陳請服也按時
晉悼方繼霸爲盟主雞澤之會諸侯始秦穆
盟是大夫張也故雞澤之會諸侯始秦穆
失正矣大夫執國權曰袁倚盟之也秦穆
一前一後年不相及左傳僖公十三年晉公縱於秦
又十五年晉侯與秦伯戰於韓原文公三年秦伯伐

晉遂霸西戎川孟明也按秦穆見春秋魯僖文之交
列女傳伯嬴者秦穆公之女楚平王之夫人昭王之
母也而王時吳人郢王亡吳盡妻其后宮伯嬴持刀
曰諸侯外淫者絕卿大夫放士庶人宮割妾以死守
欲爲樂而妾死何益吳王慙遂退舍按秦女卽楚羣
平爲太子建取而自取者事去秦穆時逾百年矣韓
魏楚莊此言一後一前事不相及按左傳盡魯悼
之是先事究言之文史記滑稽傳優孟者故楚之樂
人也楚莊王有所愛馬死欲以大夫禮葬之優孟曰
薄請以人君禮葬之齊趙陪位於前韓魏翼列子
衛其後裴駢注楚莊時未有韓魏趙三國列子
鄭穆此言列生於尼父後稱鄭穆年非也左傳哀公
年至今七十三也列子天瑞篇孔子見榮啓期行乎
郕之野鹿裘帶索鼓琴而歌又有仲尼名篇蓋其書
舉孔子者非一劉向諸子畧所按列子定著八篇皆
殺青書列子者鄭人也與鄭穆公同時蓋有道者也
按左傳穆公有疾川蘭而卒在宣公三年又五
十五年始有孔子豈書稱孔子者反在前乎
號公

簡子

此言魏亡於趙簡前活太子事妄也左傳僖公五年晉侯復假道於虞以伐魏十二月丙

子朔晉滅魏春秋諸國興廢說虞魏紀不錄俱早亡

史記扁鵲傳趙簡子疾五日不知人召扁鵲扁鵲入

視病出口而脈治也居二日半簡子寤其後過魏魏

太子死扁鵲曰臣能生之魏君聞之出口幸而舉之

扁鵲厲鍼砥石以取外三陽五會太子蘇按趙樂書

簡子趙鞅也春秋定哀間人於時魏亡久矣樂書

晉文

此言本國後世之臣誤移前世也左傳成公四年晉欒書將中軍父六年欒書救鄭侵蔡

楚救蔡趙同趙括欲戰請於武子注武子欒書按在

晉景年糾向新片雜事晉文公逐麋而失之問於農

夫老古老古曰一不意人君如此也君放不歸人將

君之文公恐歸遇欒武子武子曰獵得獸乎曰得善

言曰取人之善而棄其身盜也文公荀息晉欒言此

還載老古與俱歸按文公景公之禮荀息晉欒言

本國前代之臣誤移後代也左傳僖公九年晉獻公

使荀息傅奚齊及公卒里克殺奚齊於次又殺公子

卓於朝荀息死之文選西征賦注說苑云晉靈公造

九層之室孫息上書求見曰臣能舉十二博基加九

雞子其上公曰危哉息曰復有危於此者公即壞九
層之臺按孫息卽荀息避宣帝諱改孫也又按今本
說苑無此條史云知幾子照著續說苑廣向所遺而
刊落怪妄今豈其同本邪又曾鞮序更有不全之說
見雜說註史記晉世汲冢書見六家書東晉傳太
家靈公獻公會孫康二年汲郡人不準盜
發魏襄王墓或言安釐王冢得竹書數十車其紀年
十三篇記夏以來至周幽王爲犬戎所滅以事按之
三家分口仍述魏事至安釐王之二十年蓋魏國之
史書大畧與春秋皆多相應其中經傳大異則云夏
年多殷益下啓位啓殺之太甲殺伊尹次丁殺季歷
自周受命至穆王百年非穆王壽百年也幽王既亡
有共伯和者攝行天子事非二相共相也其易經二
篇與周易上下經同易繇陰陽卦二篇與周易畧同
繇辭則異卦下易經一篇似說卦而異公孫段二篇
公孫段與邵涉論易國語三篇言楚晉事口名三篇
似禮記又似爾雅論語師春一篇書左傳諸卜筮師
春似是造書姓名也瑣語十一篇諸國卜筮妖怪相
書也梁丘藏一篇先敘魏之世數次言丘藏金玉事
繳書二篇論弋射法生封一篇帝王所封大祿二篇

鄒子談天類也穆天子傳五篇言穆王游行四海見
帝臺西王母圖詩一篇畫贊之屬也又雜書十九篇
周食用法周書論楚事周穆王美人盛姬死事凡七
十五篇七篇簡書折壞不識名題家中久得銅劍一
枚長二尺五寸漆書科斗字初發冢者燒策照取寶
物及官收之多燼簡斷札文既殘缺不復詮次武帝
取其書付秘書校綴次第尋考指歸而以今文
寫之晉在著作得觀竹書隨疑分釋皆有義證劉歆
作五原守而公羊穀梁在七十子後傳問之與親見
詳畧不同欲建立左氏春秋哀帝合與五經博士講
論博士不肯置對歆移書讓之諸儒皆怨詆歆懼誅
求出補吏王接晉書王接傳接字祖游時秘書丞衛
乃守五原王接晉書王接傳接字祖游時秘書丞衛
陳留王堅庭雖之散騎潘滔謂接曰卿是解二子之
紛接遂詳其得失華虞謝衡皆博物多聞咸以為允
當荀勗汲冢中古文竹書詔勗撰次之以為中經按
荀勗傳中無汲冢志在春秋四句何休公羊傳序昔
古諸顯疑當作勗

在春秋行在孝經疏案孝經鈎命決云孔子在庶德
無所施功無所就志在天云又疏孝經說云孔子曰
春秋屬商孝經屬參相學紀聞中庸鄭注云大
經春秋也大本孝經也泥於緯書其說疏矣

雜說上

春秋

案春秋之書弑也。稱君。君無道。稱臣。臣之罪。如齊之簡公。未聞失德。陳恆構逆。罪莫大焉。而哀十四年。書齊人弑其君于於舒州。斯則賢君見抑。而賊臣是黨。求諸舊例。理獨有違。但此是絕筆獲麟之後。弟子追書其事。豈由以索續組。不煩將聖之能者乎。何其乖刺之甚也。案春秋左氏傳釋經云。滅而不有其地。曰入。如入陳。人衛。入鄭。入許。卽其義也。至柏舉之役。子常之敗。庚辰。吳人獨書以郢。夫諸侯列國。並建國都。惟取國名。不稱都號。

何爲郢之見入遺其楚名比於他例。一何乖踳尋二傳所載皆云入楚豈左氏之本獨爲謬歟。

稱君稱臣也。春秋宣公四年左傳凡弑君稱君稱君無道而稱國以弑言衆所共絕也。稱臣者謂弑者之名以示來世終爲不義改殺稱弑辟其惡名取有漸也。齊人弑於春秋哀公十四年續經六月齊人弑其君王及卽位使爲政陳成子憚之縣顧諸朝子我欲盡逐陳氏成子兄弟四乘如公子我在嵬出遂入公與婦人飲酒於檀臺成子遷諸寢于我歸陳氏追之殺諸郭闕庚辰陳桓執公於舒州甲午陳恆弑其君壬於舒州孔某三日齊而請釋經曰入左傳哀公十三年伐齊三捷子我卽闕子釋經曰入經夏取邾傳此書取言易也用大師焉曰滅弗地人陳衛鄭許左傳宣日人注謂勝其國邑不有其地人陳衛鄭許左傳宣年楚子人陳閔公二年狄人衛隱公十年宋人吳入衛人入鄭隱公十一年公及齊侯鄭伯人許吳入

書鄧定公四年左氏經庚辰吳人郢發敗諸羅漢五戰及郢庚辰吳人郢並見國都國謂楚二傳云人楚庚辰吳人郢入易無楚也易無楚者壞宗廟徙陳器撻平王之墓穀梁經庚辰吳人楚傳吳何以不稱子反夷狄也其反夷狄奈何君舍於君室大夫舍於大夫室

史記

史記鄧通傳云文帝崩景帝立向若但云景帝立不言文帝崩斯亦可知矣何用兼書其事乎又倉公傳稱其傳黃帝扁鵲之脈書五色診病知人死生決嫌疑定可治詔召問其所長對曰傳黃帝扁鵲之脈書以下他文盡同上說夫上既有其事下又載其言言事雖殊委曲

何別太史公撰孔子世家多採論語舊說至管晏列傳則不取其本書以爲時俗所有故不復更載也案論語行於講肆列於學官重加編勒祇覺煩費如管晏者諸子雜家經史外事棄而不錄實杜異聞夫以可除而不除宜取而不取以斯著述未覩厥義昔孔子力可翹關不以力稱何則大聖之德具美者衆不可以一介標末持爲百行端首也至如達者七十分以四科而太史公述儒林則不取游夏之文學著循吏則不言冉季之政事至於貨殖爲傳獨以子貢居先掩惡揚善旣忘此義成人之美不其闕如漢書載子長與任少卿書厯說自

古述作皆因患而起。末云不韋遷蜀。世傳呂覽。案呂氏之修撰也。廣招俊客。此跡春陵。共集異聞。擬書荀孟。思刊一字。購以千金。則當時宣布。爲日久矣。豈以遷蜀之後。方始傳乎。且必以身旣流移。書方見重。則又非關作者。本因發憤著書之義也。而輒引以自喻。豈其倫乎。若要多舉故事。成其博學。何不云虞卿窮愁。著書八篇。斯蓋識有不該。思之未審耳。魏世家。太史公曰。說者皆曰。魏以不用信陵君。故國削弱。至於亡。余以爲不然。天方令秦平海內。其業未成。魏雖得阿衡之徒。曷益乎。夫論成敗者。固當以人事爲主。必推命而言。則其理悖矣。蓋

晉之獲也。由夷吾之懷諫。秦之滅也。由胡亥之無道。周之季也。由幽王之惑。褒似魯之逐也。由稠父之違子家。然則敗晉於韓狐突。已志其兆。亡秦者胡。始皇久銘其說。糜弧箕服。彰於宣厲之年。徵褻與禱。顯自文武之世。惡名早著。天孽難逃。假使彼四君才若桓文。德同湯武。其若之何。苟推此理而言。則亡國之君。他皆倣此。安得於魏無譏者哉。夫國之將亡也。若斯則其將興也亦然。蓋嬖後之爲公子也。其筮曰八世莫之與京。畢氏之爲大夫也。其占曰萬名其後必大。姬宗之在水滸也。驚驚鳴於岐山。劉姓之在中陽也。蛟龍降於豐澤。斯皆瑞表。

於先而福居其後。向若四君德不半古才不逮人終能坐登大寶自致宸極矣乎。必如史公之議也。則亦當以其命有必至理無可辭。不復嗟其智能。頌其神武者矣。夫推命而論興滅委運而忘褒貶以之垂誠不其惑乎。自茲以後作者著述往往而然。如魚豢魏畧議虞世南帝王論。或敘遼東公孫之敗。或述江左陳氏之亡。其理並以命而言。可謂與子長同病者也。

文帝崩景帝立

史記佞幸鄧通傳文帝嘗病癰鄧通

嗜癰嗜癰而色難之已而問鄧通嘗為帝嗜吮之心慙由此怨通矣及文帝崩景帝立鄧通免家居按此事連觀太子已心怨之文不取本書

原注謂管列於子晏子也

學官

北平評作史記時論語未嘗行於講肆列於學官按漢書藝文志古論語二十一一篇齊二十二

篇魯二十篇其總論云漢興有齊魯之學是則漢初

師承講授固在壞宅發壁之前矣卽以孔子世家驗

之所採畧具而如傳首伯夷篇亦屢述之可見其不

絕於時也再按唐書薛放云漢時論語首列學官更

當有孔子翹關而列子說符孔子之勁能招國門之關

據也孔子翹關而列子說符孔子之勁能招國門之關

舉貨殖按史記貨殖列傳卷在六十九次當末篇亦

也貨殖意所差稱也薄本范蠡居首子貢第二漢書

則不韋見六春陵賦節慕原嘗名亞春陵虞卿見

家敗晉於韓左傳僖公八年晉侯改葬共太子狐突

篇請於帝也將以晉男秦七日新城西偏將有巫者而

見焉遂不見及期而往告之曰帝許我伐有罪矣敝

於韓又十三年晉薦饑秦輸粟於晉十四年秦饑乞

糴於晉晉人弗與慶鄭曰昔施幸災民所棄也弗聽

十五年秦伯伐晉晉侯卜有慶鄭吉弗使戰於韓原

晉成馬還薄而止公號慶鄭慶鄭曰復諫違卜固敗

是求又亡秦者胡史記秦本紀燕人盧生使入海還

何逃焉裴注鄭康成曰胡胡亥秦二世名栗孤箕服周

胡也秦見國書不知此為人名反備北胡栗孤箕服周

也王時童謠國語文也見書事篇蓋述褒徵襄與襦左

王胡禍周事史記本紀亦載之其文畧同徵襄與襦左

昭公二十五年有鸛鵒來巢書所見也師已曰異哉

吾問文武之世童謠有之謠見言語篇九月公伐季

氏平子請以五乘亡弗許子家子曰君其許之政之

自出久矣隱民多取食焉為之徒者眾矣日入慝作

君必悔之弗聽孟氏遂伐公徒公孫於齊次於陽州

國文武之世史記作文成之世賈逵注魯文公成公

也但二公非接世嬀後莫京左傳莊公二十二年陳

者宜以左傳為正嬀後莫京公子完奔齊齊侯使敬

仲為卿初懿氏卜妻敬仲其妻占之曰吉是謂鳳凰

于飛和鳴鏘鏘有嬀之後將育于姜五世其昌八世

之後莫畢萬必大為大夫卜偃曰畢萬之後必大萬

之與京畢萬必大為大夫卜偃曰畢萬之後必大萬

盈數也魏大名也以是始賞天啓之矣初畢萬筮仕

於晉遇屯之比辛廖占之曰吉公侯之子孫必復其

始水許鸞鸞詩大雅率西水許至於岐下外傳中陽

蛟龍漢書高帝紀高祖沛豐邑中陽里人父太公母

晦冥太公往視則見蛟龍於魏畧議原注魚豢魏畧

其上已而有身遂產高祖魏畧議原注魚豢魏畧

初之際有彗星出於箕而上徹是為掃除遼東而更

置也苟其如此人不能違則德教不設而淫濫首施

以取族滅殆天意也按魏畧見題目篇其曰魏畧議

者猶史漢之論贊體也原注虞世南帝王論畧曰永定

注亦有引魏帝王論元年有會稽人史濟為揚州從

諸漢史

畧議之文帝王論元年有會稽人史濟為揚州從

事夢人著朱衣武冠自天而下手執金版有文字渾

看之有文曰陳氏五主三十四年諒知冥數不獨人

目唐貞觀間太子中書舍人虞世南承詔撰起太昊

訖隋凡帝王事迹皆畧紀

載假公子答問以攷訂云

自漢已降。作者多門。雖新書已行。而舊錄仍在。必按其事。可得而言。案劉氏初興。書唯陸賈而已。子長述楚漢之事。專據此書。譬夫行不由徑。出不由戶。未之聞也。然觀遷之所載。往往與舊不同。如酈生之初謁沛公。高祖之長歌鴻鵠。非唯文句有別。遂乃事理皆殊。班氏一準太史。曾無弛張。靜言思之。深所未了。司馬遷之敘傳也。始自初生。及乎行。歷事無巨細。莫不備陳。可謂審矣。而竟不書其字者。豈墨生所謂大忘者乎。而班固仍其本傳。了無損益。此又韓子所以致守株之說也。如固之爲遷傳也。其初宜云。遷字子長。馮翊陽夏人。其序曰云云。

至於事終則言其自敘如此著述之體不當如是耶馬卿爲自敘傳具在其集中子長因錄斯篇卽爲列傳班氏仍舊曾無改奪尋固於馬揚傳末皆云遷雄之自敘如此至於相如篇下獨無此言蓋止憑太史之書未見文園之集故使言無盡一其例不純蘇子卿父建行事甚寡韋元成父賢德業稍多漢書編蘇氏之傳則先以蘇建標名列韋相之篇則不以韋賢冠首並其失也漢書斷章事終新室如叔皮存歿時入中興而輒引與前書共編者蓋序傳之恆例者耳荀悅旣刪畧班史勒成漢紀而彪論王命列在末篇夫以規諷隗囂翼戴光武

烈以事補之事。擢居西漢之中。必如是。則賓戲幽通亦宜同載者矣。

由徑山戶列子說符稽度皆明而不道也譬之山酈

生初謁生先屬沛公騎士語次敘沛公界地陳留郊及酈

沛公沛公見長者語次乃敘沛公輟洗攝衣延坐事至

井載之與前文迴別同事異詞卽於一卷中見之歌

鴻鵠史記留侯世家上欲易太子立戚夫人子趙王

朝上乃大驚四人爲壽已畢趨去上曰送之召戚夫

人指示四人者曰羽翼已成難動矣戚夫人泣上曰

爲我楚舞吾爲楚歌歌曰鴻鵠高飛一舉千里羽

已就橫絕四海橫絕四海當可奈何雖有增繳尙安

所施容三楚漢春秋今不復見按木條辯語闕大忘

墨生前已有此語鬻子文王馬卿自敘可取隋劉炫問於鬻子敢問人有忘乎馬卿自敘語參之見序傳文園漢書司馬相如傳相如從上還過宜春宮奏篇文園賦以哀二世行失其辭云云拜為孝文園令蘇建漢書蘇建傳建杜陵人以校尉從大將軍青擊甚韋賢按韋賢舊誤作韋孟漢書韋賢傳賢字長孺寡賢魯國鄒人也賢為人質朴少欲篤志於學兼通禮尚書以詩教授號稱鄒魯大儒徵為博士給事中進授昭帝詩云云宣帝即位賢以與謀議安宗廟賜關內侯食邑云云傳凡一百七十八字故曰德業稍多至其述孟之文止是傳前原世系之體附見事行不過二十字而已安得云稍多乎孟字之誤無疑矣又按唐本漢書當是以元成篇故劉氏云不以韋賢冠彪論列末篇荀悅漢紀第三十卷之末云王首也彪論列末篇荀悅漢紀第三十卷之末云王眾收集英雄班彪在焉彪即成帝婕妤好之弟之雅子也問彪曰往者周亡天下分裂縱橫之事復起於今日乎將乘運迭興在一天下也願先生論之論曰云云

云崑曰愚人昌識劉氏而謂漢家重興疏矣彪感其

論又閔禍患之不息乃賓戲幽通按漢書敘傳敘災
著王命論以救時難此賓戲幽通彪載王命論固自
敘載答賓戲幽通賦二篇此
二篇荀紀不收故借詰之

史通別繁卷三終

嘉應廩生陳上荃校